




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.385/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.385/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.385/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.385/a

DISPUTATIO THEOLOGICA
De
CHRISTI RE-
GNO GLORIAE,

Occasione ἐξηγήσεως dicti.

Luc. 22, vers. 29, & 30.

Ἐγὼ διατίθεμαι ὑμῖν, καθὼς δέδοται μοι ὁ πατὴρ μου βασιλείαν, &c.

INSTITUTA

QVAM

Sub Gloriosissimi REGIS propitio sceptro,


PRÆSIDE.

DN. IOHAN. SCHMIDT,
SS. THEOL. D. ET PROFESSORE ORDINARIO,
Conventus Ecclesiastici Præsidi h. t. Universitatis
RECTORI Magnifico, Dn. Patrono & Præceptore,
multis nominibus venerando.

SOLENNITER tuebitur

M. JOHANNES FRIDERICUS
HEILBRUNNER, Ulm.

Die Mensis horis locog, consuetis.



ARGENTORATI,
Typis Hæredum JOHANNIS ANDRÆ,

ANNO M, DC, XLIX,



SERENISSIMO, AC CELSISSIMO
PRINCIPI ET DOMINO,

DOMINO

EBERHARDO,
DVCI WIRTENBER-

GENSI ET TECCENSI, COMI-
TI MONTISBELGARDENSI, DO-
MINO HEIDENHEIMI-
CO, &c.

PRINCIPI AC DOMINO MEO
CLEMENTISSIMO,

HANC DISSERTATIONEM THEO-
LOGICAM,

DEVOTISSIMO ANIMO,
HUMILIMOQUE OBSEQUIO;

SACRAM ESSE VOLO

M. JOHANNES FRIDERICUS HEILBRUNNER.



DISPUTATIO SOLEMNIS,

De

CHRISTI REGNO GLORIAE!

Ex Luc. 22. vers. 29. & 30.

Εὐαγγέλιον ὑμῖν, καθὼς διέθετό μοι ὁ πατήρ μου βασιλείαν, ἵνα
ἰδῶντες καὶ πίπτετε ἐπὶ τῆς τεραστέας μου, ἐν τῇ βασιλείᾳ μου.

§ I.



Postolus sub initium Cap. 2. Epist. ad
Hebr. gravissimam ad amplexum Evangelij
exhortationem instituens, Primum, vers. 1. ad Hebr.
quæ de autore ejus & promulgatore Christo,
ac hujus majestate præcedente cap. copiosius
dixerat, tacite repetit: *Quod is Filius sit æterni*
Patris, ipsi coæternus, seculorum conditor; Redemptor, & Rex Ecclesiæ,
angelis longè major & Excellentior, unde, quantâ attentione do-
ctrina ejus audienda, meditanda, custodienda, per se pateat: mox
vers. eod. & seqq. subjungit periculum, quod negligentibus im-
pendeat, *παράρροιαν praterfluxum,* quo & cum fidei jacturâ, quæ
perceperunt facile, instar vasis quod rimarum plenum est, & hac
illac profluit, amissuri, & ipsimet, instar aquæ dilabentis, peri-
turi sint, Deo ipso ex ore suo evomente. Cum enim legalis
sermo, Angelorum ministerio promulgatus, firmus ratusq; ex-
titerit, *omnisq; ejus transgressio justam retulerit retributionem,* lon-
gè severius doctrinæ, ab ipso æterni patris Filio, ad salutem
consequendam traditæ, contemptores iri punitum. Addit vers.
3. & 4. Doctrinæ Evangelicæ *ἀκατάκτητα*, quam à Deo ipso habe-
at, quippe qui eidem cælitus testimonium præbuerit per *signa,*
A porten-

In quo
Christo
subiectus
dicitur
mundus
futurus.

Quid sit
mundus
futurus?

An hic or-
bis mūdū

An Eccle-
sia:

portenta, varias virtutes & Sp. S. distributiones. i. e. per miracula omnem naturæ vim superantia, per varia dona, Apostolis aliisque fidelibus collata, qualia fuerant donum sanationis, Prophetiæ, linguarum &c. quæ omnia abundè comprobant, eam divinam & sacrosanctam, ad eodq; reverenter suscipiendam & amplectendam esse. Tandem vers. 7. denud ex dignitate & eminentiâ promulgatoris, promit argumentum, ac cum Judæorum plerique idè legem Evangelio præferrent, quod per Angelos data esset, ostendit, hisce Christum longè esse eminentiorem & potentiorē, utpote cui οἱ οἰκουμενῇ ἡ μέλλουσα, orbis terra seu mundus futurus subiectus sit, in quem Angeli nullum unquā imperiū acceperint.

§. 2. Quid per τὴν μέλλουσαν οἰκουμενῇ Apostolus intelligat, obscurius est, quam ut primā fronte appareat, Unde variæ interpretum sententiæ. Ex Antiquitate Chrysost. homil. 4. ad Heb. Nunquid, ait, de altero aliquo orbe disputat? Non ita est: sed de isto præsentī, propter hoc etiam addidit: de quo loquimur, ne mentem auditoris errare relinqueret, dum alius quæreretur orbis: quomodo ergo eum futurum vocat? Nempe quemadmodum & alibi dixit, qui est forma futuri, de Adamo & Christo loquens, in epistolā ad Rom. respectu temporum in quibus vixit Adam, futurum secundum carnem vocans Christum, etenim futurus erat: sic etiam nunc, quoniam dixit: quando autem introducit primogenitum in orbem terrarum, ne putares alium eum orbem dicere, ex multis hoc confirmat, eo ipso quod dicit futurum: futurus quippe erat orbis, Filius autem Dei semper erat: hunc ergo orbem futurum non Angelis subdidit, sed Christo. Hæc Chrysostomus: cui recentiorum quidam per omnia adstipulantur, nominatim Andreas Hyperius comment. in Epist. ad Heb. p. 88. & seqq. Ex Pontificiis Franciscus Ribera Jesuita, futurū hunc orbem Ecclesiam facit in his terris militantem. Orbem inquit, terra futurum dixit, quia novi homines futuri erant in mundo, novū seculum, nova Respublica; unde dictus Esaia 9. Pater futuri seculi. Ita etiam cum Ecclesia semper fuerit, nova Ecclesia in Christo incipere dicitur, sicut ipse ait Matth. 16. Ego dico tibi, quod tu es Petrus, & super hanc Petram edificabo Ecclesiam meam: Quoniam novus Rex apparebat & novas leges ferebat, ac nova Sacramenta & novam Rempublicam instituebat. Huius ergo Ecclesiæ sive huius novi orbis; (ipsa enim est, quam novum orbem appellat) Christum Regem constituit

3

ut Filium, Angelos vero non Reges sed ministros esse voluit, sicut dixit: Nonne omnes sunt ministratori spiritus &c. Vt sit sensus: Vos. (Hebraei) estis initium huius orbis futuri, & huius novi seculi, quod non Angelis sed Christo subiecit Deus: quare non legi Veteri parere debetis, sed Evangelium constanter retinere, cum non Angelis sed Christo DEVS vos atque omnes homines subiecerit. &c. Non displicet hæc opinio Riberae & Justiniano, comment. pag. 676. reijcitur tamen à Cornel. à Lapide pag. 614. qui Valde improprie inquit, & obscure Ecclesiam vocari orbem futuram, non ita unquam in Scripturâ nominari. Idem opere ipso cum Ribera sentiunt, qui nomine orbis futuri universum accipiunt tempus, quod ad finem mundi succedit ab illo, quo Evangelium Christi captum est annunciarum primum, & propagari. Hoc toto tempore, ajunt illi, futuro Christus potestatem omnium accepit, & Dominus omnium constitutus est. Orbis præteritus habuit legem, quamdiu illa vires suas habere debuit, & Moses habitus fuit in pretio. At orbis futurus, qui novus erit, per spirituales regenerationem habiturus est Evangelium perpetuo duraturum, & cum orbem habebit Christus sibi subditum, solus Christus ab eo pro Domino agnoscetur. Conf. Hyper. c.1. & Justin. p. 637. Affines sunt & illi, qui Apostolum termino orbis futuri respectum habuisse volunt, ad tempora Davidis, qui Psal. 8. de Christo ratiocinatus sit, & futurum dici propter restaurationem, quæ per Messiam fieri debuit. Itemque illi, qui ipsum Evangelium orbis futuri nomine insigniri, quia in universum mundum tempore N. T. propagatum sit, arbitrantur. Conf. Hunnium comment. in Epist. ad Hebr. cap. 2. p. 878. & Bald. hunc per omnia hæc sequentem, disp. 3. in Epist. ad Hebr. 1. part. alter. p. B. 2. Walth. harm. p. 589.

§. 3. Pluribus tum veterum tum recentiorum, orbis sive mundus futurus, est seculum futurum, in quo regnum Christi plenè consummabitur, atque idem, omnibus hostibus prostratis, gloriosissimo triumpho, imperio, & Dominio, cum sanctis suis regnabit. Nunc enim Christum nondum videri habere plenam potestatem, cum etiam Diabolus, mors, peccatum, adhuc regnum in mundo suum, modo suo habeant: at post extremum judicium regnum ejus prorsus consummatum iri, futurum per omnia integrum, nec ullis amplius hostium insultibus, obnoxium. Theodoretus duobus verbis orbem terra, inquit vitam futuram appellavit pag. 111. Theophylact.

A 2

phylact.

An tempus ab Evangelio in Novo Test. annunciatum

An futurum seculum & regnum gloriæ

4

phylact. licet pro more Chrysostomum sequatur, addit tamen nonnulli per futurum orbem, futurum mundum intellexerunt, quando Angeli ut servi assistent, filius autem ut iudex sedebit p. 889. Oecumenius simpliciter: *futurus orbis, est futurus mundus.* pag. 327. Quem sensum verborum noster D. Gerhardus amplectitur, comment. in Epist. ad Hebr. cap. 2. pag. 48. *Ecclesia qualis post huius mundi abolitionem futura est, in cælesti gloriâ, orbis futurus est, de quo agunt Scriptura dicta* Esa. 65, 17. cap. 66, 22. Rom. 8, 21. 2. Pet. 3, 13. Apoc. 21, 1. *Huius futuri seculi Christus dicitur Pater,* Esa. 9, v. 6. *hic orbis est civitas futura, cuius artifex & conditor est Deus,* Heb. 13, 14. & 11. 10. quam expositionem etiam probat ex Apostolico scopo, qui sit, *Christi sacerdotium declarare, quod non huius sed futuri seculi bona spectet:* *Esse enim Christum Pontificem futurorum bonorum* Heb. 9, 11. Conf. reliqua Idem ex Pontificiis Estius statuit Cūment. pag. 417. quam sententiam iisdem fundamentis confirmat Calvinianis Piscator in notis, & Franciscus Junius in Parallelis.

Sensus Apostoli
scopo con-
veniens.

§. 4. Forte nihil sive à Phrasi & verbi usu, sive à Scopo Apostolico alienum sentiemus, si omnia hæc jungamus, & Apostolum termino *ἡμεῖς μέλλομεν* tum hunc præsentem mundum, in eoque in genere, quicquid is suo complexu continet, speciatim verò militantem Ecclesiam, quæ suum in mundo hospitium habet, tum futurum gloriæ regnum, comprehendere voluisse, statuamus. *Ὁκεῖμεν*, uti ex vi vocis constat, significat propriè eam huius mundi partem, quæ habitatur, atq; figuratè ipsos habitantes, quanquam etiam simpliciter pro toto terrarum orbe ponatur, Conf. Luc. 4, 5. cap. 21, 26. Act. 17, 31. Heb. 1, 6. Quo vocabulo singulari studio uti Apostolus voluit, ut ostenderet, se hunc præsentem mundum nolle exclusum, sed unà comprehensum. Id quod amplius allegatio, & applicatio Ps. 8, vers. 6. 7. 8. confirmat. Qui, quod vel præcipuè huius mundi ad Christi pedes subjectionem describant, primus eorum intuitus planum facit: mentio enim in ijs sit *ovium, bovm, pecorum campi, volatiliu cæli, piscium maris, &c.* quæ omnia huius mundi sunt. Quod autem epitheton *μέλλομεν* addit, eo diferimen inter Christi regnū & quævis alia huius seculi regna constituit, tacitè innuens, omnia mundana regna, suas in hoc seculo habere periodos, certo anno.

batis, super mensam regni mei. Beza Ego paciscor, vobis pro-
ut pactus est mihi pater meus regnum, ut edatis & bibatis in men-
sa mea in regno meo. Lutherus. Ich will Euch das Reich be-
scheiden / wie mir mein Vater bescheiden hat / das Ihr essen und
trinken sollet / über meinen Tisch in meinem Reich. Dietenber-
gius: Ich bereit Euch das Reich / wie mir das mein Vater be-
reitet hat / 2c. Piscator, Ich verordne Euch das Reich / wie mirs
mein Vater verordnet hat / 2c. Photinianus interpretes Ich be-
scheide Euch ein Königreich / wie mirs 2c.

Occasio.

§. 7. Regni sui ac glorificationis cœlestis, Christus passioni
jam & morti vicinus, aliquoties meminit, quem de terrenâ ali-
quâ sive mundanâ gloriâ & regno, quale vel Davidicū vel Salo-
monis fuit, locutum, Apostoli plurimis adhuc infirmitatibus,
licet tot annos sapientissimo Magistro cohabitassent, obnoxii,
fuerant persuasi; unde quod & pridem fecerant, conf. Matt. 18.
vers. 1. Marc. 9, 33. de primatu in hujus mundi regno, inter se a-
criter contendere cœperunt, aliis atque aliis, alias atque alias
prærogativas, sanguinis propinquitatem, ætatis rationem, diu-
turnam cum Christo conversationem, familiam, dona, & id ge-
plura, urgentibus. Quam contentionem multis nominibus
reprehensibilem, Christus blandis & amicis verbis compositu-
rus, inter regnum suum & hujus mundi imperia, maximum esse
discrimen, eoque simul, quod in gravissimo errore de regno suo
Apostoli versentur, ostendit; quo facto ad humilitatem animiq;
demissionem hortatus est, ut qui maior velit esse fiat minor, & qui
principem locum ambiat, ministrum se præbeat reliquis. Cui ut
tanto libentius morem gererent, suum exemplum quod inter i-
psos veluti minister vixisset, considerandum proposuit, quo pa-
cto tacite ipsis vanam ambitionem, ad quam animo concipien-
dam, nullum prorsus in ipso vestigium unquam deprehendis-
sent, exprobravit. Quibus amplissimam hanc præmii, cœlestis
nimirum regni atq; æternæ gloriæ promissionem subjunxit, fore sc.
ut, si ex fide bonis monitis obtemperarent, fastum, ambitionem,
vana mundanæ dignitatis desideria, animis exuerent, humilita-
tem ad exemplum suum sectarentur, non, quod alij plures fecis-
sent, Joh. 6, 66. abirent retrò, sed porro etiam tentationes, cala-
mitates

mitates contemptum, odia mundi, persecutiones, perseveranter ferrent, tandem aliquando ad gloriam non huius seculi, quæ fugax, inconstans, lubrica, periculosa, sed futuri, quæ perennis & æterna, eveherentur; gaudiis non mundanis quæ dolore permista, nihil sinceritatis habeant, sed cœlestibus quæ omni metu atque impuritate libera, in infinita secula durent, perfuerentur.

§. 8. Cujus promissionis germanum sensum ut assequamur, circumstantiæ, quæ suo ordine sese offerunt, sigillatim sunt expendendæ. Quarum prima personam promittentem nobis sistit, Christus. *Ἐγώ εἰμι ὁ Θεός* qui Emphaticè Ego inquit, dispono vobis regnum. 2. Circumstantiæ. Omnino particula Ego hic peculiarem emphasin habet, quam Maldonatus, in antithesi Christi & Apostolorum sitam esse, ait: *Vos pro me hoc fecistis, ut mecum in temptationibus meis permaneritis, Ego hoc vicissim pro vobis facio, ut disponam vobis regnum.* 1. Personam promittentem. Sed & aliud, quod gravius, subest; Extremus humiliationis & exinanitionis Christi jam instabat gradus, aderat hora, quâ se ex æterno decreto, in crudelium licitorum & carnificum vincula, in iniquissimas injustissimorum iudicium manus, traditurus erat, futurus juxta Esaïæ Vaticinium cap. 53. & seqq. *despectus & novissimus virorum, Vir dolorum & sciens infirmitatem, in quo nec species, nec decor.* Emphasis in particula Ego. Unde in eam faciliè opinionem discipuli aliiq; fideles venire potuissent, quod & aliquo modo postea factum, jam actum esse, collapsam spem, quam in eo locarant, frustra instaurationem regni Israël, frustra fructus ejus & beneficia tantopere desiderata, amplius expectari. Contra quod scandalum, ut animos præmuniret, nihil suæ Regiæ Majestati, Potentiæ, dignitati, etiam inter acerbissimos mortis cruciatus, & extremam ignominiam decedere, hæc voce Ego, testari voluit, ut sensus sit: Sum maneo-que ego, ille ipse, qualis consilio æterno, ante mundi exordium constitutus fui: Rex maneo & rerum omnium Dominus, si maximè servili formâ incedam, & ad mortem usque crucis me humiliem, *Omnia in manibus meis nunc quoq; habeo, omnia pedibus meis subiecta;* ipsum cœlorum regnum, uti à me jam toti generi humano obediendo acquiritur, ita in manu meâ est, quod cunctis in me perseveranter credentibus, maximè vobis, qui varias mecum tentationes hætenus constanter subiistis, polliceor: passionibus istis quibus me objicio, regiam dignitatem & potentiam

non

non adimunt: sed ad eam plenariè exercendam, viam sternunt. State itaque, & quod hæcenus præstitistis, meum imitami per humilitatem exemplum, ut suo tempore, me in gloriam cælestem, & æterna gaudia intrantè, sequamini. Faxo ego, ut præstitæ ad temporis huius momentum constantiæ, æterna præmia percipiat. Ergo hæc particulâ demonstrativâ *Ego* quantum in se, discipulorum animos excitat, ut memoriâ, quæ jam dudum crebrius & audivissent, & credidissent, & confessi essent, repetant: habere se Magistrum, qui sit filius Dei vivi, qui sit Rex Israël, uno verbo qui sit Messias, ab origine mundi promissus; atque inde certi sint, fore, ut, quod fide expectent, suo tempore, non obstantibus persecutionibus, ex voto sint consecuturi. Similem vocationis huius emphasin habent verba consolationis plenissima apud Esaiam cap. 46. 4. ubi Jehova Filius *ego ipse* inquit, *vos fideles usq; ad canos & senectam in utero portabo, ego feci & ego feram, ego portabo & salvabo.* Conf. Gen. 17. v. 1. cap. 26. 24. Exod. 3, 6. Esai. 41, 4. c. 34. v. 3. 5. Matt. 5, 22. & seqq. c. 11, 28. Marc. 6, 5. c. 9, 25. Joh. 6, vers. 20, 35, 48. c. 10. 11. 14. Act. 9, 6. Porro sicut hoc in loco *ἡμεῖς ἵνα ἴδωμεν*, ut ex Christi imâ exinanitione in contemplationem & cultum summæ majestatis assurgamus, monet, ita alibi pari significationis pondere, ex summâ maiestate in extremam humilitatem, ut eam piè imitemur, deducit. Ps. 22. v. 7. *Ego sum vermis & non homo, opprobrium hominum, & objectio plebis &c.* Sensus est: Ego qui sum æterni Patris unigenitus & consubstantialis filius, per quem mundus conditus qui alijs salutem præstat, verbo virtutis suæ, &c. sum (ô rem stupendam) abjectissimus, ut vermibus potius qui conculcantur, quàm hominibus, annumerandus videar: conf. Esai. 45. vers. 11. & 24. *Ego sum Iehova, servare me fecisti &c.* cap. 50. vers. 1. 5. & 6. Hæc dicit Jehova: *Ego corpus meum dedi percutientibus &c.*

2.
Regnum
promis-
sum.

Non
Potentiæ-

§. 9. Sed quod & quale est regnum, quod pollicetur Christus? Omne ne illud, quod à Patre ipse accepit, adeoq; & potentia regnum, ut discipuli aliiq; fideles in societatem veniant administrationis totius universi, dominantur à mari ad mare; & possessionem habeant terminorum terræ Ps. 72. v. 8. & 2, 8? Minime omnium. Non enim quæ indefinitè Christus profert, in universalitatem sunt extendenda. *Regnum* ait vobis *dispono* non absolute

9

lutè omne regnum. Venit Christus in mundum, ut credentes
 salaret, non ut universi Dominos faceret, cuius potestatis neq;
 capaces sunt, quæ soli Deo propria, nemini extra Deum commu-
 nicata est. Fortè igitur *gratia regnum* in militante Ecclesiâ in-
 telligit, in quo p̄ ip̄sum, & vi ejus meriti Domini sint, & in
 peccatum, Sathanam, mortem, omnesque hostes spirituales im-
 perium habent, justitiâ, vitâ, sp̄e certâ salutis gaudentes? Ita
 quidem non incommodè verba Christi accipi possunt, Ex Pontifi-
 cii Salmeron putat. tom. 9. tr. 45. p. 373. cuius verba sunt: *Hæc de*
regno Christi in Ecclesiâ militante exponi possunt, quia Apostoli sunt
primi, qui sedent in mensâ Eucharistia, cuius consecratio primum A-
postolis est credita & dispensata, & iudices Iudeorum effecti sunt, per
traditam ibi potestatem clavium, & auctoritatem remittendi ac
retinendi peccata. Ex Calvinianis Beza in notis pag. 320. Cum
 inquit *Vox hebraea בְּרִית* de omnibus inter vivos pactus dicatur, & to-
 tus iste sermo caperit ex eâ cōtroversia, quæ inter illos duodecim de pri-
 matu exorta erat, apparet, de illo cœlesti regno, cuius particeps erunt
 pro suo modulo omnes credentes, ac proinde de illo fœdere seu testa-
 mento hîc non agi, sed de Apostolica in huius regni administratione, id
 est in promulgando Evangelio, & constituendis per orbem terrarum
 Ecclesiis auctoritate, quam ipse ad Patrem abiens, ipsis committat, eâ-
 dem quâ illam à Patre acceperat conditione, nunquam ipse discedens à
 voluntate Patris, non quicquam ut à seipso loquens, quoniam fuit Ev-
 angelij minister & uxoratus &c. Ex nostratibus gravissimus
 Brentius, utrumq; regnum & gratia & gloria à Christo conjungi, u-
 trumq; promitti, adeoque de utroque verba commodè explicari
 posse arbitratur. Cogites inquit, pag. 1453. tom. 5. mibi, quid
 per regnum intelligendum sit, mox subiiciens: Regnum cœlorum a-
 liquoties tempus illud dicitur, quo in hoc seculo publicè predicatur Ev-
 angelium de Iesu Christo qui est Monarcha regni cœlorum: Aliquo-
 ties Regnum cœlorum dicitur, quo beati in altero seculo fruuntur per-
 petuâ felicitate, utcumq; de regno cœlorum loquaris. Apostoli semper,
 non quidem carnali, sed suo quodam spiritali & divino modo, edunt
 & bibunt, super mensam Christi in regno ejus. Nam his verbis expli-
 catur summa felicitas, si enim de regno cœlorum loquaris, quo Evange-
 lium Christi in orbe terrarum per Apostolos revelatum est, certè Apo-
 stoli dicuntur semper cum Christo super mensam sedisse & bibisse, etiâ

B

in hoc

in hoc seculo, propterea quod Christus semper eos spiritu suo præsens, in omnibus adversis conservavit & confirmaverit &c. pag. seqq. Quod si verò loquendum est de regno cælorum, quo p̄p̄ perpetuo in futuro seculo fruuntur, sedent & ibi Apostoli cum Christo in mensa ejus, & summa felicitatis, quam nulla humana lingua explicare possunt, participes redduntur.

Sed glo-
ria,

§. 10. Non morosè hæc suggillamus, (maximè quæ ex Dn. Brentij commentariis allata modo sunt,) minus damnamus, à fidei nim analogiâ nihil alienum continent. Interim tamen, si & Christi intentionem, & rationem phraseos spectemus, alia etiâ parallela Scripturæ loca conferamus, rectius *de solo gloria regno*, quam vel de solo regno gratiæ, vel de utroque conjunctim gratiæ & gloriæ, verba accipienda esse, apparet. De primatu, dignitate, gloriâ, felicitate, in regno mundano, quod Apostoli vanâ persuasionem conceperant, contenderunt, nō de ferendis indocendo laboribus. Avocat ipsos Christus ab inani expectatione, & tamen simul regnum pollicetur, regnū longè omnib⁹ hujus seculi felicius, gloriosius, bonis abundantius, quod in cælo paratū sit: Non, ipso opere ait, *dispono vobis regnum terrenum, sed cælestē; non faciam vos principes terræ, sed cæli: Reges huius seculi non invitabunt vos ad mensas suas, sed potius truci dabunt, Ego autem efficiam, ut perpetuò in regno meo super mensam meā edatis & bibatis. Quid hæc maiestate & felicitate excellentius?* &c. Conf. Brent. p. 1452. Deinde non de eo Christus quod Apostoli vel jam præstiterint, vel modo præstent, sed quod suo tempore ipse sit præstiturus, loquitur: adeoque res futuras pollicetur: officia autem Apostolica jam acceperant, iisdem certo modo erant functi, docuerant, ediderant miracula, Luc. 9. v. 1. & seqq. modo etiam mensæ Christi assederant, ac sacratissimi corporis, & sanguinis ejusdem facti erant participes. De his itaque commodè intelligi nequeunt, sed de alio regno nondum præsentē, de alio cibo & potu, qualem hætenus nondum percepissent, qui quidem paratus esset & dispositus, sed nondum appositus. Ipsum m̄ edere & bibere, de quo paulò post, suum quidem locum etiam in regno gratiæ habet, & vel sacramentale est, olim in V. T. in agni paschalis commestione, hodiè in Sacrae Domini Cœnæ celebratione, vel spirituale, quod fide perficitur, de quo Joh. 6. Sed non
neces-

necessario, ubi ejus sit mentio, sive illud sive hoc intelligendum. Cœleste enim insuper Scriptura passim promittit, quod nec sacramentale est nec spirituale, nisi laus vocabulum sumatur. Ex cujusvis itaque textus circumstantiis, de germano verborum sensu, judicandum: quod si hîc fiat, nec sacramentalis nec spiritualis cômestio aut bibitio, ob allatas rationes, admitti poterit: manet sola cœlestis, Christi merito parata disposita, futura. Id quod amplius confirmatur, si consideremus, nullibi in sacris literis Apostolorum officium, aut in genere omnium Ecclesiæ pastorum, quod in docendo per terrarum orbem Evangelio, & administrandis sacramentis occupatur, verbis comedere & bibere describi, licet auditoribus verbum fide percipientibus & amplectentibus, hæc spirituali sensu tribuantur. Conf. præter Joh. 6. cap. 55. Esa. v. 1. Prov. 9. v. 5. Ex collatione Matth. 8, 11. res tota evidens est, ubi Christus heroicam Centurionis Capernaïti fidem admiratus, *dico vobis inquit, multivenient ab Oriente & Occidente, & recumbent cum Abrahamo, Isaco, & Iacobo in regno cœlorum.* Sanè de vocatione gentium ad Ecclesiam & regnum gratiæ, hæc etiam Christi verba, & ab antiquioribus & recentioribus Scripturæ interpretibus accipi novimus, ex August. serm. 6. de Verbo D. tract. 16. in Ioh. Hunnio tom. 3. operum pag. 163. Lyser. harmon. Evang. cap. 53. pag. 29. & seqq. & aliis. quibus & nos libenter adstipulamur, sed ita, ut eandem implicitè hîc contineri, & potius præsupponi, quam directè prænunciari, statuamus. De aggregatione electorum ex gentibus ad latera Abrahami, Isaaci & Iacobi in regno gloriæ, propriè & directè sermo est, quia verò ad tantam beatitudinem nemini via patet, nisi qui prius in hac vitâ fidelis regni gratiæ civis, ad exemplum piorum Patriarcharum, extitit, idè hâc ratione verba etiam ad regnum gratiæ non incommodè referuntur, ut sensus sit: multi ab oriente & occidente ex gentibus à Iudaicâ Ecclesiâ jam remotissimis, per Evangelium ubique locorum prædicandum convertentur, & sic conversi, post hanc vitam eiusdem cœlestis gaudij, quo nunc beati Patriarchæ fruuntur, fient participes. Quod verò non de regno gratiæ, sed gloriæ Christus propriè loquatur, vel ex solâ antithesi, v. 12. liquet, quo regno cœlorû extrema tenebræ, ubi fletus est & stridor dentium, opponuntur, quæ verba

descriptionem non status extra gratiam & Ecclesiam, in hac vitâ; sed ipsius inferni & æternæ damnationis continere, ex omnium locorum, ubi phrasis ea invenitur, collatione, constat. Conf. Matth. 13. v. 42. & 50. cap. 22. v. 13. cap. 24. v. 51. cap. 25. v. 30. Luc. 13. v. 28, unde necessariò sequitur, vers. præced. non gratiæ sed gloriæ regnum propriè intelligendum esse, ut sensus sit: fideles & electi ex gentibus, cum Patriarchis vitæ æternæ hæredes sunt futuri, plurimi autem Iudæorum, qui scil. oblatam gratiam respuerunt, æternum damnabuntur. Conf. Luc. 13. v. 28. & seqq. ubi hæc verba à Christo repetita, non nisi de regno gloriæ sumi posse, ex toto contextu tam est manifestum, ut vix sit, qui aliter sentire auit.

A quo dispositum,
se à Patre.

§. 11. Porro, à Patre suo hoc gloriosum beatæ vitæ regnum, quod fidelibus pollicetur Christus, sibi dispositum esse, ait: Hic enim quia τὸν θεόν τὸν πατέρα, quia ex hoc ab æterno ineffabili modo genitus est, & cum Essentiâ omnem majestatem habet, idèque omnia ad eundem, quæcunq; modo quocunq; sive secundum divinam, sive secundum humanam naturam possidet, loquitur, facit, plerunque referre solet; à se nihil proferre, efficere, & ne posse quidem, ait: quod apud Evangelistam Johannem frequentius, quam reliquos fieri, notum est. Conf. cap. 5. v. 19. Non potest filius à se facere quicquam, nisi quod viderit Patrem facientem, & iterum v. 30. non possum à me facere quicquam, eodem cap. v. 6. Mea doctrina non est mea, sed eius qui misit me, vers. 28. à meipso non veni, cap. 8. v. 28. Ex meipso facio nihil, cap. 12. v. 49. ex meipso non sum locutus &c. Quæ omnia, ut & imprimis textum nostrum, olim Ariani ad destruendam inter Patrem & Filium in divinis æqualitatem detorquere consueverunt. Conf. ex Veteribus Idacii Clari librum adversus Varimadum. Arianæ sectæ Diaconum tom. 4. magnæ biblioth. Patr. pag. 630. C. Sed si singula ritè ad fidei regulam, & cum aliorum locorum collatione, ponderentur pleraque potius ad æqualitatem Patris & filij adstruendam facere, conspicuum evadit. Quod enim ex seipso nihil se posse facere, nihil loqui &c. Christus ait, ejusdem sese cum Patre esse naturæ, virtutis, majestatis, potestatis esse, intimam inter se Patremque atque Essentialem *οὐκ ἔστιν ἕτερον*, eandem voluntatem, &c. innuit, adedq; quod alibi, Ioh. 10. v. 30. Ego & Pater.

ter unum sumus, ait, luculenter confirmat. Nequaquam enim
 τὸ non posse facere, hinc notat aliquam ἀδυναμίαν imbecillitatem,
 imperfectionem, quo pacto legibur, Ioh. 15. vers. 5. *sine me ni-
 hil potestis facere.* Conf. 2. Corinth. 3. vers. 5. Sed potius, cum
 de Deo simpliciter prædicatur, summam perfectionem naturæ
 eodem modo operantis, ut aliter se habere nequeat, quâ ratio-
 ne aliàs ἀδυναμίαν dicitur Deum mentiri, cum sit ἀψευδής, Hebr. 6.
 v. 9. Tit. 1. v. 2. De Christo cum usurpatur, exprimit, ut mo-
 do dictum, ipsius ac Patris, & essentiæ, & potentiæ, & voluntatis,
 & operationis, identitatem, unitatem, inseparabilitatem ac si-
 mul ἰσότητος ὁμοειδέως, quod nimirum Filius, sicut non est à se, sed
 à Patre, ita quoque à se non agat, sed à Patre. Ac utrumque ob
 dictam rationem verum est: *non potest quicquam in divinis Filius
 facere à se, & non potest non, quod Pater facit, idem & ipse Filius fa-
 cere;* unde statim subiicit: *Quaecumq; Pater facit,* (ad extra sc.
 nam operum ad intra ratio alia est) *eadem,* prorsus omnia ut ni-
 hil excipiat, ὁμοίως similiter, non disparitate quâdam aut inæ-
 qualitate, sed ex eadem essentiâ, sapientiâ, libertate, potentiâ, fa-
 cit Filius. Accuratè Euthym. & præclarè in h. l. *Hic, qui sunt in-
 tellectu crassiores, potentia minorationem præ se fert hic sermo, subti-
 libus autem aequalitatem potius & identitatem.* Non potest Filius
 facere à se, non ob potentiæ defectum, sed propter inseparabilitatem:
 Nam impossibile est Filium quicquam facere quod non facit Pater,
 quia non est alia Filij potentia, ab eâ quæ Patris est, &c. Confer
 quæ prolixè & graviter commentatus est Chemnitius lib. 3. Har-
 mon. cap. 46. Ad textum nostrum hæc applicari, (si eundem
 de Christo etiam juxta divinam naturam considerato, accipere
 velimus) forte non incommode possunt, ut sensus verborum
 sit: Ex me non sum Rex gloriosus, nullum habeo gloriæ re-
 gnum: à patre est, quod vobis polliceor. Is me Filium suum
 sibi coessentialē ab æterno genuit, eâque generatione omnia
 quæ possidet, mea mihiq; communia fecit, ut verè dicere pos-
 sim, omnia quaecumq; Pater habet, mea sunt, Ioh. 16. v. 15. atq; hinc
 etiam Regia gloria & majestas, gloriæque regnum. Est ille
 gloriæ Pater, Ephes. 1. v. 17. à quo & cuius est omnis gloria & re-
 gnum: Ex quo fonte ego Filius ab æterno habeo, ut & ipse in
 eadem majestate, idem cum ipso gloriæ regnum administrem,
 seu gloriosè regnem.

§. 12. Malumus tamen verba de Christo quâ homine accipere, quo nos & circumstantiâ contextus, & vis vocabuli *Christo*, *θεω*, deducunt. Humilitatem suam, vers. 27. præcod. ut in eâ tanquam speculo, Apostoli, quid se deceret, contemplarentur, proposuerat: ministrum sese, vel qui instar ministri tamdiu inter ipsos vixisset, usque aded, ut & pedes illorum lavâset, dixerat: Cum esset Dominus & in forma Dei, servum se factum esse, & ad ima officia se abjecisse, monuerat. Quæ omnia quod de Christo tantum juxta humanitatem intelligenda sint, & per se clarum, & alibi contra eos, qui Christum juxta utramque naturam exinanitum sive humiliatum fuisse, periculosè docent, ostensum est. His statim subijcit regni à Patre *πατρί* ut inde intelligant, humiliationem illam esse spontaneam, & talem exinanitionem, quæ quidē continuum Domini usum & Regiæ potestatis usurpationem juxta carnem non ferat, interim ipsam dignitatem & regni possessionem, quâ ut homo ditatus sit, non auferat: Cui per omnia simile est, quod peractâ pedum Apostolicorum lotionem, quâ vix aliquid servilius, surgens: *Vos ait me vocatis Magistrum & Dominum, & benè dicitis, sum etenim.* Ubi sensus, cum, ut ante publicam officii administrationem, sic toto hoc tempore, quo vobis sum conversatus, vos aliosque docui, & Evangelium per ludæam prædicavi, humiliter juxta carnem meam me gesserim, in paupertate vixerim, famem, sitim, contemptum, sustinuerim, &c. non tamen quod jam feci, ad pedum vestrorum me demisi lotionem; Nolim autem, existimetis, hâc ad tam servile officium abiectione, me meorum officiorum deposuisse dignitatem, ad quam juxta humanitatem meam evectus sum, stat ea mihi sine jacturâ; sum, dum lavo pedes vestros, etiam quâ homo, *Magister vester*, cœlesti, ut nollis, voce, à Patre vobis commendatus, ut me docentem audiatis, mihi credatis, morem geratis, exemplum meum imitemini. Sum præterea Dominus, iterum quâ homo, idq; non vulgari & gregariâ ratione, meris hominibus conveniente, sed singulari ac Deo propriâ. Dominus sum rerum omnium, omnia quippe in manus meas à Patre mihi tradita sunt: Dominus imprimis vester, omniumq; fidelium, quos in regno gratiæ defendo, foveo, amplissimis orno donis. Dominus etiam gloriæ, qui vos aliosq; pios, suo tempore, ex hoc gratiæ, in gloriâ

rix regnum translatos, cœlesti æternâque beatitate coronaturus sum. Ergò sibi hoc loco ut homini Christus dispositum regnum esse ait, quo etiam verbum *δίδωμι* tendit, quod non nisi improprie ad communicationem divinæ majestutis per æternam generationem, ante mundi exordium factam, applicari potest. Cum varios aliâs usus verbum *διδωμι* habeat, qui apud Lexicographos inveniuntur, crebro etiam latinis idem est quod *testari*, seu *testamento aliquid disponere* tanquã hereditarium bonum. LXX. plerumque ijs locis, quibus pactum à Deo cum hominibus per amplissimas promissiones initum sive sancitum describitur, usurpant. Conf. Gen. 15. v. 18. Exod. 24. v. 8. Deut. 4. v. 23. cap. 5. v. 2. Ps. 89. v. 4. Es. 55. v. 3. Jer. 31. v. 33. Nec non de hominum inter se conventionibus, Gen. 21. v. 27. & 32. cap. 26. v. 28. cap. 31. v. 44. Ios. 9. v. 15. Respicit igitur Christus ad æterni Patris promissâ, sibi quã homini de regiâ dignitate & potestate factâ, inter quâ eminet. Ps. 2. 6 & 8. *Ego constitui regem meum &c. Postula à me & dabo gentes hereditatem tuam, & possessionem tuam terminos terre.* Conf. Psal. 72. v. 8. *Dominabitur à mari usq; ad mare, &c.* Ps. 89. v. 26. seqq. *ponam in mari manum eius*: id quod Syrus clarius exposuit, qui Græcum *διδωμι*, verbo quod proprie *promisit seu pollicitus* est, reddidit. Accedit, quod, dum, quomodo Apostolis aliisque fidelibus regnum sit dispositurus, eo ipso à Patre sibi quoq; dispositum regnum esse, ait, tacite omnes calamitates & passiones, per quas in gloriam ingressurus sit, innuat; adeoque hoc ipso simul in naturam, secundum quam talia exantlanda, humanam sc. digitum intendat. Sensus ergò est: *Æternus Pater*, cujus etiam juxta humanam naturam, per & propter unionem personalem unigenitus sum & naturalis filius, me, qui, quã Deus, idem cum eo Rex sum æternus, etiam quã hominem Regem constituit, ad Regiam Majestatem, ad cœleste regnum juxta promissionem suam evexit, quod unâ cum ipso jam in manu meâ habeo, & ita quidem, ut, quotquot fideles mei sunt discipuli, & in me credunt, gloriæ meæ certo modo participes reddere possim & decreverim.

§. 13. Pertinet huc quæstio, *an paternâ gloriâ regniq; δίδωμι, ita ab æterno facta sit, ut Christus idem in tempore passionis suâ & obedientiâ sibi ipsi acquireret ac mereretur?* Affirmat non obscure

An Christo regnū ita dispositum, ut id in tēpore mereretur

obscure in h. l. Hugo Grotius, cujus hæc est verborum Christi
πατὴρ ὁ ἐξ ουρανό : Pater mihi addixit regnum acquirendum per toleran-
 tiam rerum adversarum. Quæ ipsa Pontificiorum & Scholastico-
 rum in Papatu est sententia; quorum nomine Bellarm. lib. 5. de
 Christo Mediat. cap. 9. Dicimus, inquit, Christum meruisse sibi illa
 omnia, quæ accepit post passionem suam. Sententia etiam Zanchij
 lib. 1. Epistol. tom. 8. oper. pag. 72. & Piscatoris, qui ad verba
 Philipp. 2. v. 2. propterea etiam &c. scribit: Ex his verbis disci-
 mus, Christum obedientiâ passionum suarum & mortis promeruisse
 sibi futurum honorem, &c. Quem strenuè sequitur Ravensperge-
 rus pentade 5. Censuræ de illust. Theol. qq. quæstione 2. ubi &
 Bullingeri serm. 27. in Apoc. allegans, ait: Duo sunt, quæ Christum
 sibi meruisse statuimus, videlicet vita æterna & summa illa ac singula-
 ris gloria, quæ pro filio Dei ab omnibus rationalibus creaturis agnoscitur,
 ac proinde ut unus Deus adoratur, quarum illam sibi meruit ob-
 servatione legis, hanc verò per multas passiones. Ex parte etiam Mar-
 tin. in Christianâ & Catholicâ fide, lib. 2. cap. 16. p. 546. Qui ad
 quæstionem, an Christus sibi meruerit gloriam? post nonnulla,
 quibus negativam amplexus esse, vult videri, sed tamen ait meri-
 tus est sibi gradum aliquem in salute altiore, qui nempe ei neq; se-
 cundum iustitiam debitus, neq; datus fuisset, nisi redemptoris & Me-
 diatoris munus; in exinanitionis statu obisset. Aggrè deserit Rivetus:
 in cap. 53. Ela. pag. 469. ubi nollemus ait præfate negare, ratione
 gloriæ corporis, & exaltationis Christi, obedientiam eius habere veram
 & propriam rationem meriti. Mox addit: Cum legis promissio vi-
 tam adiudicet ei, qui fecerit quæ mandata sunt homini, quidni suâ obe-
 dientia sibi vitam æternam Christus acquisivisset? Et Chamier pan-
 strat Cathol. tom. 2. pag. 131. qui scribit: Sententia nostra est, non
 esse de hoc articulo contendendum, sed præstare, si nunquam movere-
 tur quæstio, aut si non possit cohiberi humana curiositas, quin sibi in-
 dulgeat, ut caveat definire. Nos, quando sententiam nostram aperi-
 mus, moderatè timideq; id facimus, &c. Cordatior Calvinus est
 lib. 2. institut. c. 17. §. 6. p. 181. ubi posteaquam copiosius proba-
 vit, Christum sua obedientiâ verè nobis gratiam apud Patrem esse pro-
 meritum ad quæstionem, an sibi ipsi meruerit? quid opus fuit, ait,
 descendere unicum Dei filium, ut sibi acquireret quicquam novi? Non
 Filij utilitati consulisse dicitur Pater in eius meritis, sed eum tradi-
 disse

disse in mortem, neq; peperciſſe, quia mundum diligeret: & notandæ ſunt locutiones Prophetica: puer natus eſt nobis &c. inde enim colligimus, rationem non habuiſſe ſui; idq; clarè affirmat dicens: pro illius ſanctifico meipſum; ſe enim ſibi nihil acquirere teſtatur, qui fructum ſanctitatis ſuæ, in alios transfert &c. Sic per omnia orthodoxè h.l. Calvinus quem ſequuntur Marloratus in cap. 4. ad Gal. Polan. ſyntag. lib. 6. c. 26. p. 424. ſeqq. Prolixè contra Bellarmin. diſputat Pareus, in cap. 8. ad Rom. pag. 792. & cap. 2. ad Hebr. pag. 112. Quod ſi per omnia Sacræ Scripturæ teſtimonia, quæ finales Chriſti incarnati, paſſi, crucifixi, cauſas exponunt. eamus, nulli- bi vel veſtigium, quo ad opinionem Bellarmini, Piſcatoris, & qui his aditipulantur, Chriſtum ſcil. ſibi, ipſi propriè meruiſſe glo- riam, ducamur, invenimus. Conf. Eſa. 9, 6. Zach. 9, 9. Matth. 18, 11. Luc. 19, 10. Joh. 12, 46. Gal. 4. v. 4. & 5. 1. Tim. 1, 15. 1. Joh. 3, v. 8. Quæ ſigillatim aliàs explicantur, & vindicantur. Per to- lerantiam rerum adverſarum, quæ Grotij verba ſunt, Chriſtum in gloriam ſuam ingreſſum eſſe, & hoc pacto ipſi regnum diſpoſitum fuiſſe, novimus & amplectimur, ſed quod eadem tolerantia, ſibi regnum & gloriam propriè acquiſiverit, non legimus. Eccleſiam ſan- guine ſuo, adedque acerbiffimorum cruciatuum, & mortis ipſius tolerantia acquiſivit. Act. 10, 28. unde fideles dicuntur populus acquiſitionis, 1. Pet. 2, 9. non ſibi gloriam, quippe quam ex gratiâ conſecutus eſt. Phil. 2, v. 9. In nos homines fructus, paſſionum exantlatarum redundat, non in ipſum patientem; quanquam paſſiones ſuperatas, ex decreto divino, gloria ſecuta ſit: de quo ordine, ipſe loc. cit. Chriſtus loquitur, ut & Luc. 17. v. 24. & 25. itemque Petrus 1. Epist. 1. v. 11. juxta quæ teſtimonia, etiam dicta Phil. 2, v. 9. Hebr. 2. v. 9. ſunt explicanda. Conf. Gerhard. uber. exeg. loc. 4. de perſonâ & Offic. Chriſti §. 330. p. 1574. ſeqq. di- ſput. de reſurrect. §. 37. & ſeqq. Feurbor. Falc. 4. p. 388. & Falcic. 5. pag. 85.

§. 14. Sed non nihil propius iſta paterna *diſpoſitio* inſpicien- da eſt, ut, *qualis ea hoc loco ſit*, accuratius percipiatur. Vocabuli *diſpoſitio* ſus, apud & profanos, & ſacros Scriptores, multiplex diſpoſitio: & varius eſt. Interdum enim latè ſignificat compono diſpono, aliàs adminiſtro, operor, efficio, itemq; concorditer conſtituo, ut & venale expono, venundo: tandem teſtor, aut teſtamento ali-

C

quid

quid hæredibus mando: quas significationes etiam plerasque, nomina *διαθήκη* & *διαθήκη*, diversis in locis habent, ut dispositionem, administrationem, operationem, testamentum, fœdus &c. notent. De profanis Lexicographi videantur. Inter sacros LXX. nonnullis editionibus. (nam Vatablus & Regia aliter habet,) voce *διατίθεμι* reddiderunt Hebræum *יָדַע*, quod & multiplicis usus est, Hof. 11. v. 8. *τίσε διαθῶ ἐφαίμ* &c. item *דָּבַר* in Hiphil Gen 9. v. 17. *τὸ σημεῖον τῆς διαθήκης ἡς διαθέμην* &c. *דָּבַר* ibid. in Hiphil 1. Paral 19. v. 19. *οἱ παῖδες Ἀδὰμ ἐξερθέοντο μετὰ Δαβὶδ*. In N. T. præter hunc nostrum locum, in Actis Apostolicis semel, in Epist. ad Heb. aliquoties, & semper quidem nomini *διαθήκη* adjunctum legitur, ac ubique adhibetur ad descriptionem fœderis gratiæ, quod cum Patriarchis eorumque posteris, totoq; humano genere, Deus inijt, in quo Messiam Filium suum, salvatorum & redemptorem promisit, ac per eum & propter eum, omnibus in ipsum credentibus, remissionem peccatorum, justitiam, & vitam æternam, est pollicitus. Hoc loco, pro diversitate personarum de quibus usurpatur, omnino diversimodè, (non obstante particulâ *καθώς*, quippe quæ non semper, imprimis hoc textu, nullo modo simplicem æqualitatem indicat,) accipienda est. Nam aliter à Christo discipulis, alijsque pijs & fidelibus, aliter Christo ipsi, à Patre facta est regni *διαθήκη*. Illis hoc modo, ut Christum Messiam, unicum mundi salvatorem agnoscant, ut in eum firmiter credant, omnemque in ipsius merito collocatam habeant consequendæ salutis fiduciam, ut ex fide, ipsius sequantur exemplum, imitentur virtutes, cruci & calamitatibus humeros suos submittant, &c. ac in his omnibus constanter perseverent. Longè aliter Christo Dei Filio; cujus ratio ut intelligatur, retrò in ipsam æternitatem, eundum est, in quâ ante jacta mundi fundamenta, initum divino modo de genere humano, cujus lapsus prævisus fuit, redimendo consilium, factum decretum, ejusque suo tempore exequendi, ordinata & constituta media: ubi salutis nostræ jam tum cum æterno Patre & Spiritu Sancto, fidentissimus Dei Filius, sese Mediatorem obtulit stititque, ac in se recepit forè, ut cum ex creaturis frustra humanum genus auxilium expectaturum esset, ipsemet sese hominibus mixturus,

eorum

eorum in personæ unitatem assumpturus naturam, in eâq; ipsorum peccata, sanguine & morte suâ expiaturus, satisfactorius legi, iram placaturus, iustitiam & vitam acquiraturus, quam per Evangelium omnibus toto orbe mortalibus oblaturus, credentibus autem ipso opere collaturus esset. Accessit divina *eudoxia*, placuit ex infinitâ sapientiâ subministratum consilium, & oblaturum ex immenso amore auxilium: factus est communi beatissimæ Trinitatis voluntate, & destinatus omnibus hominibus Filius Dei, *sapientia, iustitia, sanctificatio & redemptio*. 1. Cor. I, 30. Simul tamen liberè decretum, ut, cum clementissimus Consiliarius, & futurus auxiliator, plurimas in carne assumendâ injurias, contumelias, contemptum, paupertatem, cruciatus, mortem ipsam, & quidem crudelissimam acerbissimamque, (quæ omnia pro peccatis humani generis *ἀνθρώπων* futura essent,) subiturus sit, atque exanilaturus; idem etiam, juxta eandem, ad eodque ut homo quoque, cunctis, quæ superanda essent, superatis, ad majestatem divinam, gratiosè exaltetur, & tum totius universi, retrumque omnium creaturarum, potentissimus moderator, tum Ecclesiæ in terris militantis, benignissimus Monarcha, tum regni in cælis beati, gloriosissimus Rex fieret. Atque hæc est ad Scripturæ Sacræ, fideique analogiam ductum, illa *διαθεσις*, quâ Christo Dei Filio, regnū ab æterno dispositum, ad cujus majestatem, etiam quâ homo, in tempore evectus, cujus administrationem actuali, ex ordine divinitus constituto, suscepit, in quâ hodieq; versatur, mansurus Rex in omnem æternitatem. Vnde sat patet, quantum inter *διαθεσιν* hanc, quâ ipsi, & alteram, quâ Apostolis, & fidelibus regnum dispositum est, discrimen agnoscendum.

§. 15. Ad cives huius regni, duce Christo & textu nostro, progredimur: qui hîc sunt Apostoli, ad quos, sedatis non nihil inter ipsos ambitoris affectibus, Dominus, Ego inquit, *dispono vobis regnum*. Apostolos autem dum dicimus, *non intelligimus primum omnes*, qui ad Apostolicum munus fuerint vocati. Excludendus enim omninò Judas Ischarioth, ipse quidem etiam Apostolus, Matth. 10. v. 4. Sed factus fur infamis, Joh. 6. v. 70. quippe Dominum suum ejusque opera, apud scribas & Phariseos, hostes ipsius, mendacissimè calumniatus est, ad eodq; se ministrum & organū Diabolo, sponte & deliberato consilio præbuit; factus planè

C 2

Diabo

Diabolū mancipium, in quod intravit, Luc. 22. vers. 3. ac tandem sceleratissimus proditor, Matth. 26. v. 48. Hic enim accepta of-fula ē Christi manu, (non pane Eucharistico, in quā opinione Origenes fuit, Conf. ejus commentarium in cap. 13. Joh. sed communi) exierat, ut ē cœnaculo, sic etiā ex Christi & Apostolorum commercio, ad quod nunquā rediit: exierat, ad Christi hostes, licet expressis verbis historia id non commemoret. in domo Caiphæ, à sanguinolento concilio expectatus, exierat plenus, ut conjicitur, in Christum furijs, & odio, quo scelus animo ipsius conceptum, Apostolis reliquis, jam ex porrecta buccellā, detectum fuerat: Ut igitur non referendus ad eos, ad quos Christus: *Vos ait, permansistis mecum in tentationibus meis*, sic neq; hujus regni *Diabolus*, ad eum ullo modo spectat: alio ipsi verbo, exitum Christus exposuerat, Matth. 26. v. 24. *Va homini illi, per quem Filius hominis traditur: bonum erat ei, si natus non fuisset homo ille*; quo mala ipsa eventura, tum temporalia tum æterna, prædixit, minatus est, & certo modo deploravit. Rectè Theophyl. in cap. 22. Luc. Christus Iudæ proditori *va adiudicavit*, à discessu autem, ad reliquos discipulos dixit: *Vos estis, qui mansistis mecum in tentationibus, ideò & mercedem vobis dispono &c.* Ergò undecim Apostolis facta regni cœlestis *Diabolus*: tametsi enim illi, à Satana insidiis non prorsus liberi extiterint, qui id unicè egit, ut ipsos *cribraret*, sicut *tritricum* Luc. 22. v. 31. etsi interdum penè succubuerint, ad meliorem tamen, à Magistro suo revocati, redierunt mentem, a eoque in pristinam gratiam fuerunt restituti, in quā etiam divinā ope perstiterunt. *Nec tamen, quod alterum, Apostolos solos intelligimus.* Sane ijs solis id temporis hæc dicta fuisse, ex historiā manifestum est, at, quod quæ dicta sunt, simpliciter ad solos eos, alijs fidelibus prorsus exclusis, spectarint, non est sentiendum. *Sunt, quæ Apostolis à Christo promissa fuerunt, in triplici, uti notum, differentia.* Quædam ijs tantum propria aut cum alijs per paucis communia, quò pertinet promissio doni edendorum, miraculorum, Matth. 10. v. 8. Effusionis Spir. S. & inde notitiæ divinorum magnalium, variis linguis toto orbe deprædicandorū, ut & momentaneæ ad reddendam fidei rationem instructionis, cap. cit. v. 19. ac id genus alia plura. *Quædam & ijs, & simul cunctis Ecclesiæ ministris legitimè vocatis, dicta: qualia sunt, quæ simpliciter ad officii Ecclesiastici administrationem requiruntur, promissio necessario*

rum docendi donorum, laborum successus, defensionis adversus hostes, &c. *Quadam* & illis, & simul omnibus fidelibus, sub ipsorum personis proposita; quò tum plures aliæ, per Evangelistarum monumenta sparsæ, tum imprimis suavissimæ promissiones, quas *προαγώνιος* Christi concio, ab Evangelistâ Johanne descripta, comprehendit, referenda. vide cap. 14. v. 2. & seqq. cap. 15. v. 4. & seqq. cap. 16. v. 23. & seqq. quibus merito subscribendum, quod alibi Christus dicit: Marc. 15. v. 37. *Quod vobis dico, omnibus* (credentibus) *dico*: Atque hinc etiam præsentem regni beati *στάθῃ* IV, si res ipsa, seu ipsum in se regnum spectetur, accensendum judicamus.

§. 16. De reipsâ, seu regno cœlorum in se considerato, Apostolorum in regno hoc prærogativa, disertè loquimur: Quod si enim *accidentales quasdam eius circumstantias* attendamus, nullo modo negatum imus, nonnulla viris Apostolicis, ex merâ tamen gratiâ, singulariter disposita esse, quibus reliquos de grege beatos, antecellunt. Habebunt enim illi ad latera Christi iudicaturi, peculiare, ut verba immediate sequentia ostendunt, sedes & thronos, non nisi ipsis paratos, ut unâ cum supremo iudice, suo modo iudicium administrent; ubi non materiales & corporei throni, quales in mundo iudices occupare solent, sed amplioris tantum honoris, qui tamen exactè sciri nequit, gradus, intelligendus, notante Theophylacto in cap. 19. Matth. ad v. 28. *Ἄρα καθέδρωνται (οἱ Ἀπόστολοι) ἐχί, ἀλλὰ τὴν ὑπερβάλλουσαν τιμὴν, διὰ τῆς καθέδρας ἐδήλωσε.* Tamen si omnes sancti & fideles, ubi prius sese coram tribunali Christi stiterint, mox ad dignitatem iudicandi, veluti quidam iudicij assessores, sunt evehendi, ut suas quoque partes, approbando, testificando, &c. exequantur. de quo generaliter Apost. 1. Cor. 6. v. 2. *an nescitis, quod sancti mundum, i. e. homines in mundo impios, ut & Angelos apostatas, iudicabunt?* Conf. Matth. 12. vers. 40. & seqq. quo etiam verba Christi Luc. 11. v. 19. *Filij vestri erunt iudices vestri*, à quibusdam applicantur. Conf. August. l. 20. de civitate Dei cap. 5. Dubium tamen esse non debet, Apostolos in ultimo iudicio, quandam honoris gloriæq; prærogativam, præ reliquis electis habituros, & futuros Christi proximos, quasi regni cœlestis proceres & primores. Conf. D. Gerh. in h. l. Quemadmodum enim iidem ampliora gloriæ præmia, in cœlis æternum posside-

bunt, quam alij, qui ipsis zelo, labore, calamitatū tolerantia &c. pares in hac vitā non extiterunt, sic in ipso statim iudicio, & priusquam plenē in gaudia Domini ingrediantur, eorundem quasi primitias percipient: id quod jam antea Christus ipsis fuerat pollicitus, Matth. 19. v. 28. *Vos qui secuti estis me in regeneratione, cum sederit Filius hominis in maiestate suā, etiam sedebitis, super sedes duodecim, iudicantes duodecim tribus Israel.* Quia enim Apostoli singulari modo Christum, relictis omnibus, promptē, ad vocationem secuti fuerant, ac maioribus sese periculis & persecutionibus, quam alij fideles objecerant, idē etiam peculiaris ipsis honor & gloria accidentalis, promittitur. Quod vel ipse Pater comment. in Matth. 19. pag. 502. non diffitetur, inquit: *Quando sessio Christi in throno gloria manifestabitur, tunc haud dubiē etiam sessio Apostolorum implebitur; Et si enim omnes sancti tunc iudicabunt mundum & Angelos, 1. Cor. 6. tamen proxima à Christo partes, tunc haud dubiē erunt duodecim Apostolorum, iuxta promissionem, qui tanquam pedanei iudices, sedendo & subscribendo iudicis Christi sententia, tribus Israël iudicabunt, &c.* Quamvis autem omninō concedendum, verba Christi Apostolis hoc, loco, amplioris in futurā vitā & regno cœlorum dignitatis, spem facere; non tamen propterea, reliqui fideles prorsus hinc removendi, ut dulcissimam promissionem, nullo modo ad se pertinere, credere cogantur. Est quidem, ut ex ipso contextu ejus rei rationem petamus, aliquod discrimen inter Apostolorum *διακονία* in tentationibus Christi, & aliorum fidelium, neque enim fieri potest, ut per omnia conveniant, interim tamen, genere eadem omnium est perseverantia, omnibus mandata, Matth. 24. v. 13. Apoc. 2. v. 10. ab omnibus, si salvi fieri velint, præstanda: eodem modo, non deneganda Apostolis in *διακονία* regni cœlorum, peculiaris dignitatis, licet accidentalis, gloria; sed tamen ab ipsā *διακονία* promissione, alij fideles, non penitus excludendi. Et rectē ex hoc loco, tanquam ordinariā præter alias, sede, petuntur argumenta tum exhortatoria, ad constantiam in perferendis pro Christiano nomine persecutionibus, tum consolatoria, ex insigni præmio, cunctis in fide & patientiā perseverantibus, promisso, fore sc. ut, quemadmodum participes sunt in tribulatione & patientiā Iesu Christi, sic etiam regni fiant participes. Rom. 8. v. 18. 2. Cor. 4. v. 17. 2. Tim. 2. v. 12. Apoc. 1. v. 9. §. 17.

§. 17. Ex dictis facile liquet, qualis ea sit *διαδοχή*, quā *Vocula*
 regnum cœlorum Christus, Apostolis aliisque fidelibus disposuit. *καθώς*.
 Partic. *καθώς* cuius etiam §. 13. mentio facta, æqualitatem utrius-
 que *διαδοχῆς*, sc. quā à Patre Christo, & quā à Christo Apostolis
 aliisque electis, regnum dispositum est, notare videtur. Sed
 quod §. dicto innuimus, varia est illius, aliarumque id genus, qui-
 bus rerum diversarum comparatio significatur, acceptio: Sanè,
 exprimit nonnunquam omnimodam, sine ullâ rei exceptione,
 æqualitatem, quo sensu extat Joh. 5. v. 23. *Omnes honorent Filium,*
καθώς sicut honorant Patrem, Eph. 1. v. 4. *Benedixit nos in omni be-*
nedictione spiritali &c. καθώς, sicut elegit nos in Christo, &c. ubi be-
 nedictio in tempore secuta, cum factâ prædestinatione, ante ja-
 cta mundi fundamenta confertur, quod iisdem utraq; causis con-
 stet, quod tamen non comparandi verbo, sed rerum ipsarum col-
 latarum naturæ & statui, est tribuendum. Aliàs plerumque qua-
 liscunque similitudinis & convenientiæ nota est, ubi Regula
 doctissimi Flacii part. ult. clav. tractatu 4. de tropis. pag. 354. ob-
 servanda. *Sæpe similitudinis particula, non de modo, sed de facto, non*
de causa effectus aut etiam ratione, sed de exemplo, non de specie, sed
de genere, non de omnimodâ & perfectâ, sed aliquali convenientiâ sunt
intelligenda. Exempla magno munero sunt obvia. Matth. 5. v.
 48. Luc. 6. v. 36. Joh. 17. v. 21. & seqq. Rom. 5. v. 19. 1. Cor. 10.
 v. 16. & seqq. Quibus etiam hoc nostrum adscribendum, in quo
 Christus nullam specialem, sed tantum generalissimam duarum
διαδοχῶν regni, comparisonem instituit. quod, quemadmodum
 in quæstione *ἐκ τῆς* sibi à Patre regnum sit dispositum, sic & ipse
 Apostolis & fidelibus, idem disponat, item: quod quemadmodū
 sibi Regia majestas & regnum, juxta humanam naturam ex gra-
 tiâ, vocabulo generaliter sumpto, contigerit, sic & ipse homini-
 bus credentibus, vitam beatam ex gratiâ conferat. quod sicut
 ipse, non nisi post superatas passiones, in gloriam suam intratu-
 rus sit, sic nec illi, nisi per multas tribulationes, in regnum cœlo-
 rum sunt ingressuri. Longius progredi in comparatione vix li-
 cet; Nam si ad speciales exire circumstantias velimus, omnis ex-
 pirat comparandi ratio; confer quæ §. 13. allata sunt, ubi *διαδο-*
χῆς quā Pater æternus Christo regnum disposuit, breviter descri-
 pta est, ad quam, si altera, quā hominibus piis idem disponitur,
 adhibea-

adhibeatur, ingens per omnia discrimen sese offert, quod cuivis facile obvium, ut per singula ire membra, supervacaneum videatur. Hæc, de quâ nunc quæstio est, *diaboli*, haud difficulter, qualis sit, percipiemus, si salutis nostræ provehendæ sancitum & revelatum ordinem, si causas ejus principales & instrumentales, ex parte Dei & hominum, si modum & formam, si objecta, si fines & effectus, aliaque id genus, nobiscum meditemur. Nam sicut æterna hominum quorundam ad salutem prædestinatio, in Christo fide apprehendendo, non verò absolutè facta est, ita ut nullius ordinis ratione habitâ, simpliciter pro *evangelio*, Deus hunc vitæ & saluti judicârit, illum præterierit, & sic morti destinaret; sic etiam regnum cœlorum disponitur, in Christo fide apprehendendo, quæ fides postquam Christum eiusq; meritum, quod primum ejus opus, complexus est, variis vacat pietatis exercitiis, Deum tam clementem & benignum diligit, veneratur, adorat, laudat, voluntati ejus sese humiliter submittit, fert patienter immissam divinâ manu crucem, ab eo mitigationem sive liberationem spe firmâ expectat, proximo charitatis opera præstat, justitiæ, honestatis, sobrietatis, castitatis, veracitatis amans, officii commissi partes, secundum virtutem, quam Deus subministrat, strenuè, in ipsius gloriam & proximi utilitatem, exequitur. Quæ & alia hujus generis plura, mandato legis comprehensa, ad ordinem à cunctis, qui sibi quoque regnum cœlorum dispositum esse, certiores à posteriori spem habere cupiant, religiosè observanda.

Bona regni.

Quid comedere & bibere?

§. 18. Super sunt *bona*, civibus, quibus regnum disponitur, in eodem parata: quæ omnia Christus complectitur, cum se mensa sua, ipsos, ut super eam in regno suo comedant & bibant, adhibiturum pollicetur. Facessant hîc in limine, profana Judæorum & Mahumeti deliria, sive de ingenti quodâ pisce, quem Deus jam olim occisum & salitum servet, ut comedendum in alio seculo justis apponat. Sive de carnalib⁹ & obscœnis voluptatibus quos omnes virtutes amantes, in ejus præmium, sint percepturi. *Non est regnum Dei cibus & potus*, inquit Apostolus, Rom. 14. v. 17. loquens & de gratiæ & gloriæ regno, ad quæ cibus potusque propriè sic dicti, nihil conferunt, in quibus jam occupatis, locum nullum habent. Est uti in vulgus etiam notum, Scripturæ Sacræ, & Spiritus S. in eâ loquentis consuetudo, ut quicquid

quid vita hæc naturalis, quicquid hominum inter se conversa-
tio, læti bonique possidet, quicquid desiderabile habet & ama-
bile, id ad spiritualia gaudia, tum ea quæ regno gratiæ in hac vi-
ta, tum præcipuè, quæ regno gloriæ propria sunt, transferat, ut
hisce demum omnis felicitatis lætitiæque complementum &
promptuarium contineri, innuat: *In regno gratiæ*, spirituale *In regno*
comedere & bibere est, tum verbum prædicatum libenter ad gratiæ.
aures & animum admittere, & cum studio obtemperandi audi-
re, Prov. 9. v. 5. *Venite comedite panem meum.* Conf. Jerem. 15.
v. 16. & Pl. 34. v. 9. tum Christum ejusque beneficia in Evange-
lio & Sacramentis oblata, fide percipere, Ioh. 6. vers. 50. seqq. ad
interioris hominis augendas, & quodammodo saginandas vires.
Esa. 55. v. 1. seqq. Malach. 4. v. 2. *In regno gloriæ*, est omnis, & di. *In regno*
gnitatis, & gaudii, quæ electis parata sunt & promissa, partici- gloriæ.
pem esse, iisdemque ipso opere frui. Ambrosius in h. l. tom. 8.
lib. 10 in Luc. p. 153. breviter: *Non nobis victus & potus præmij lo-*
cospōdetur, & honoris, sed communicatio gratiæ cælestis & vitæ. Non-
nihil latius Theophylactus pag. 516. *Comedere & bibere dixit*
Christus non quasi edulia illi (Apostolis) sint posita, ipse enim, per ea
quæ Sadducæis locutus est, docet, quod conversatio illis sit angelica, &
Paulus docet, regnum Dei non esse cibum & potum. Ne quis igitur
erret, audiens hic edatis & bibatis super mensam, sed cogitet quod di-
ctum sit ex metaphora eorum qui à Regibus honorantur: nam qui cum
Regibus cenant, videntur primos honores sortiri. Hoc igitur de Apo-
stolis dicit, quod apud se omnibus aliis præferantur. Idem sensus est
aliorum Scripturæ locorum, huic nostro παρὰ μέλων, Pl. 36. v. 9.
Inebriabuntur, qui in te sperant, in pinguedine domus tuæ, & torrente
voluptatis tuæ potabis eos, quoniam apud te est fons vitæ. Esa. 26. v. 6.
Faciet Dominus convivium pinguium, convivium vini defecati & c.
quod oraculum primò quidem regnum gratiæ, sed tamen & glo-
riæ respicit, c. 65. v. 13. 14. *Ecce servi mei lætabuntur, ecce servi mei*
comedent, ecce servi mei bibent, & c. Conf. in N. T. Matt. 5. v. 6. c. 8.
v. 11. Ioh. 10. v. 9. ubi regnum gloriæ nuptiarum nomine adum-
bratur, ob rationes plurimas, quas hic scientes præterimus.

§. 19. Ergo, quod modo dictum, comedere & bibere in Cælestis
mensæ & regno Christi, est cælesti gloriæ coronari, quæ duo præcipuè gloria
comprehendit, sc. maximum honorem, & gaudia incomparabilia, duo com-
prehendit.

D

Hono- dit.

Honorem. *Honoris est, & amplissimi quidem, Christi mensæ in ejus regno as-
 fidere. Fuit omnibus seculis honoris non exigui loco habitum,
 si quis Regis seu Principis alicujus mensæ adhiberetur: quo ex
 sacris referenda, quod David, reportatâ à Goliatho insperatâ vi-
 ctoriâ, novilunij die, ad convivium à Rege Saule admissus est,
 1. Sam. 20. v. 18. & seq. quod idem postea Rex factus, Mephibo-
 sethum Jonathæ filium, mensâ suâ dignatus fuit, 2. Sam. 9. v. 7.
 quod eadem ab eodem oblata Barsillai Giladitæ, seni, à quo libe-
 raliter aliquandiu in exilio fuerat habitus, 2. Sam. 19. vers. 33.
 Quod Evilmerodach Rex Babel, Jojachim Regem Judæ, carcere
 & vinculis, in quibus vitam, triginta septem circiter annos, mi-
 sere egerat, exemptum, eodem beneficio prosecutus est. Profa-
 na hujusmodi honoris exempla, videantur apud Stuckium anti-
 quitat. convivial. lib. 2. cap. 1. pag. 143. Sed quid omnes totius
 orbis Reges, quibus unquam potentia, majestas, opulentia, regi-
 minis felicitas, &c. nomen dederunt, ad Christum omnium
 Regum Regem? quid honor ex illorum mensis, ad istum ho-
 norem, quo afficiuntur, qui in Christi regno, mensæ ejus assi-
 dent? Auget maximopere honoris illius gloriam, *Christi ad men-
 sam ministerium*, de quo ipsemet, Luc. 12. vers. 37. *Beati servi illi,
 quos, cum venerit Dominus, inveniet vigilantes: Amen dico vobis, quod
 præcinget se, & faciet illos discumbere, & transiens ministrabit eis.*
 Nihil hîc cogitatione concipiendum, quod statum majestatis &
 exaltationis Christi oppugnet, in quo non propriè ministrat, sed
 gloriosè imperat. Sicut enim è cælis, in terras à Patre descen-
 dit, & aliquandiu *inter nos, caro factus, habitavit.* Joh. 1. 14. *non ut
 ipsi ministraretur, sed ut ipse ministraret,* Matth. 20. v. 28. *sic mun-
 dum reliquit & ad Patrem redijt,* Joh. 16. v. 28. ad cælos ascendit,
 non ut jam amplius ministraret, sed ut ipsi, Regi ac Domino O-
 mnipotenti, creaturæ omnes subjectæ essent, & ministerium
 præstarent. Absit itaque vile ministerium, quale fuit pedum A-
 postolicorum lotio, aut simile aliquid, quod servilem formam
 habet, quam omninò in suâ exaltatione exuit, ita, ut quemadmo-
 dum carnem, quam semel assumpsit, nunquam deponat, sic for-
 mam servi, quam semel deposuit, nunquam resumat. Tota
 Christi sermo citato loco parabolicus est, quo res cœlestes & ca-
 ptu nostro superiores, phrasibus è cōmuni vitâ desumptis, non
 nihil*

nihil adumbrat, ut, quod & alibi facit, huiusmodi jucundissimā
 συγκατάθεσι, animos nostros, & ad fidem constanter præstan-
 dam, & ad præstitæ constantiæ pulcherrima præmia piè perpen-
 denda excitet. Uti itaque humanis in rebus interdum fieri so-
 let, ut herus servis suis, qui toto die, tempore messis vel aliàs
 strenuè fideliterque laborarunt, diurnumq; absolverunt opus,
 vesperi cœnantibus adstet, cibum apponat, & obambulando,
 ne quid desit, humaniter curet, nullam tamen inde dignitatis
 suæ faciens jacturam. Sic se quoque, Christus ait, sine majesta-
 tis suæ violatione, cunctis servis suis, qui usque ad adventum i-
 plius, noctu & interdiu, fide, precibus, virtutis studio, vigilarunt,
 mensæ suæ gloriose admotis, omnia, quæ votis conceptis expe-
 re, in dō & plura quàm expetere possunt, ad plenissimam felicitate-
 tem præstiturum, adedque tanto eos honore, quantum expectare
 nunquam ausi fuissent, affecturum pollicetur. Gregorius Ma-
 gnus, aliā viā sensum verborum Christi investigans, transiens in-
 quit *Dominus ministrat*, quia lucis suæ illustratione nos satiat,
 transire verò dictum est, cum de judicio ad regnum transit, vel certe
 Dominus nobis post judicium transit, quia ab humanitatis formā, in
 divinitatis contemplationem nos elevat, & transire eius est, in clari-
 tatis suæ speculationem nos ducere, cum eum, quem in humanitate in
 judicio cernimus, etiam in divinitate post judicium videmus. &c.
 Quæ omnia sua fecit Beda comment. in Luc. 12. tom. 5. operum
 pag. 352. Sed hæc, licet non omninò reiicienda, ab hoc tamen
 loco, & Christi scopo alieniora sunt, quod nec Maldonatus
 negat.

§. 20. Summum in mensa regni Christi honorem, in- Gaudia.
comparabilia, cingent & comitebuntur gaudia, quæ tunc ipse ho-
 nor, tum aliæ gloriose felicitatis partes, parient. Sedebunt enim
 Apostoli alique electi ac fideles, ad mensam, & comedent atq;
 bibent; quibus verbis, quid Christus suis polliceatur, jam dictum
 est. §. 18. Qui accuratiores videri volunt, rō edere ad intellectum,
 rō bibere ad voluntatem beatorum referunt. Edere, inquit, est in-
 tellectu & sapientia gaudere, bibere verò fruitione ac delectatione re-
 pleri. Conf. Salm. in h. l. tom. 9. p. 373. Sed plus subtilioris æst-
 etias, quam solidioris fundamenti, res habet. Idem hîc sunt per
 omnia, edere & bibere, si rem rectè æstimemus, eundem notant

atque unum actum, cuius objectum unum, unus finis, &c. Quemadmodum enim, quando Christi ejusque beneficiorum spiritualis perceptio, *verbis manducare & bibere*, loh. 6. aliquoties describitur, nequaquam sunt distincti actus intelligendi, aut etiam diversa objecta, sed actus simpliciter unus, cuius objectum est Christus *θεός*, ejusque merita & beneficia, ac tantum ad metaphoræ ibid. propositæ, & à cibo potuque sumptæ continuationem, duo verba adhibentur: Sic etiam, cum de gaudiorum cœlestium perfruitione, eadem verba ob dictam rationem usurpantur, actus non nisi unus exprimitur, cuius objectum est omne bonum, quo Apostoli aliique electi, in summâ felicitate, gloriâ & beatitudine æternæ vitæ cumulabuntur. Bonum tum *privativum*, quod per omnia ac profus liberi erunt à peccato, ab ejusdem causis & pœnis, tum *positivum*, sive *internū*, quo spectat præcipuè Dei beatifica visio, quoddam quasi beatitatis compendium, unde nascetur ineffabilis lætitia ac exultatio, atque in illâ exultatione sempiterna Dei glorificatio, plena imaginis divinæ restauratio, tum in mente atque intellectu, tum in voluntate, aliisque animi viribus & facultatibus, sive *externum*, quo corpora beatorum ornabuntur. 1. Cor. 15. v. 43. & seqq. quorsum etiam pertinet suavissima consociatio cum Deo, Christo, Angelis, electis, ac tandem pulcherrima habitatio. Quæ hoc loco tantum delibanda erant, alibi persequenda uberius. Atq; hæc de germano textus propositi sensu & enucleatione.

Locus de
Christi
regno glo-
riæ,

Vocabu-
lum glo-
riæ.

Cuius va-
rius in scri-
pturis usus

§. 21. In *μετὰ τὴν ἐκτίσιν* ipsius articuli *de Christi regno gloriæ* delineatione, initio, *qualis ea sit gloria*, à quâ hoc regnum denominatur, considerandum. Ubi Grammaticis, quæ ipsorū sunt, in investigatione vocabuli *gloriæ* propriâ, relinquimus. Videatur Martin. lexicon Philolog. pag. 1037. Nec magnopere attendimus, communem ejus apud profanos autores significationem, quibus gloria est frequens de aliquo illustris ac pervagata fama cum laude, & incorrupta vox benè judicantium de excellenti virtute, Cicero 2. de invent. pro Marcell. l. 2. Tusculan. In divinis scripturis nominis latini *gloria*, ut & Hebræi *כבוד*, ac Græci *δόξα*, usus huc pertinens, varius est. Nam tribuitur, & Deo & creaturis, & his tum personis, scil. Angelis & hominibus, tum rebus

rebus. Deo cum tribuitur, vel ipsa essentialis ejus est majestas & quidem omnium essentialium attributorum, quæ Dei essentia sunt, quasi complexus, quam gloriam Moses, sed frustra, videre, cum adhuc inter mortales esset expetiit. Exod. 33. v. 18. Conf. Act. 7. v. 2. Eph. 1. v. 17. Atque hæc essentialis gloria, simplicissimè in divinis una est, uti essentia ipsa, ut hinc gravissimè hallucinentur, qui pro distinctione personarum multiplicent gloriam, quorum Dux & Antesignanus, Matthias Mart. in Menzero antinuth. cap. 14. pag. 337. Ubi tres, inquit (in divinitate) sunt personæ, quarum unamquamque Regem dicimus: Una igitur in divinitate est gloria essentialis, sed triplex personalis. Ad quem merito Menzerus, gravissimè & non sine pietatis Zelo, Tom. 6. Giesl. disput. 18. §. 252. pag. 358. Decetne, ait, hic sermo eum, qui Arianos & Samosatrenianos refutare instituit? Num, quia qualibet persona divinitatis est Deus, Rex, omnipotens, idè tres sunt personales Dii, Reges, omnipotentes? Inspice Symbolum Athanasianum, & corrige errorem exitiosissimum; una est gloria, & maiestas divina, ut una essentia, ex æquo communis tribus personis. Finge tu gloriam triplicem personalem, & habebis primam gloriam Patris, a secundâ gloriâ Filij distinctam, tam verè & realiter, quàm verum & reale discrimen est, inter personam Patris & Filij. Falsum igitur erit, eundem esse honorem & gloriam Patris & Filij. Apoc. 5. v. 13. &c. Vel gloriosa Dei & magnifica opera ob oculos ponit, vel celebrationem gloria ex maiestatis & operum eius agnitione ac meditatione ortam, notat: Huc gloriam referimus etiam eam, quæ Christo *θεωδοσία* juxta humanam naturam adscripta, passim in sacris literis legitur. Joh. 1. v. 14. Vidimus gloriam ejus, &c. cap. 17. v. 15. Glorifica me Pater ea gloria, quam habui apud te, cap. 2. v. 11. Manifestavit gloriam suam &c. Matth. 24. v. 30. Luc. 21. v. 27. Marc. 13. v. 26. veniet Filius hominis in nubibus cum virtute & gloria multa. quæ, & aliâ Scriptura testimonia, de gloria infinita & mere divina, Christo juxta carnem per & propter unionem personalem communicata, loqui, alibi ostensum est. Conf. disput. de secundo genere communicat. idiomat. ex Dan. 7. v. 13. & 14. §. 26. seqq. præter quam gloriam, etiam alia ipsi habitua-liter & subjective inhærens, competit, quam cum beatissimè

communem, quamvis non juxta *πρόσω* ut Theodoret, ait, habet. Philip. 3. v. 21. Inter creaturas *Angeli*, qui in veritate perstiterunt, *primi sunt*, quorum gloria æterni Patris & Christi Filii gloriae annectitur, Luc. 9. v. 26. *Filius hominis veniet in gloria sua & Patris, & sanctorum Angelorum*, qui & ipsi tanquam ministri ad solennem universalis judicii actum aderunt, ab eodem splendidissime ornati: sicut Imperator aliquis, publico ingressu non ipse tantum magnifice incedit, sed ut & ministrorum atq; aulae principum habitus, splendori respondeat, curare solet. *Quid est*, inquit ad verba citata Ambrosius, *& sanctorum Angelorum*, nisi quod honorantur, ut servi Domini? Proximi angelis sunt homines, de quorum, quâ hâc in vitâ, sive solida, sive vana fruuntur, sive ut fruuntur laborant, gloria, nunc non agimus, quippe quæ cum regno gloriae, quod nostrum argumentum est, aut parum, aut omnino nihil habet commercij. Gloriam, quæ huc pertinet, celebrat Apostolus, 1. Cor. 15. v. 44. *Surget in gloria*. Ubi sicut τῆ ἀ-
τιμίας opposita, quicquid humano corpori dedecus aliquod afferre potest, in hâc vitâ, sic τῆ δόξης, quicquid in futura illud condecorabit, complectitur, omnes scil. illas gloriosas qualitates, quibus ἰσάγγελοι beati futuri sunt. Matth. 22. v. 30. Conf. Phil. 3. v. 1. 2. Cor. 4. v. 13. Colos. 3. v. 4. Præter Angelos & homines, etiam *cælum & domicilium beatorum*, suâ splendet gloria, quam Johannes in Apoc. cap. 21. nonnihil ex visione sua adumbraturus, se vidisse, ait, *civitatem sanctam Ierusalem, descendentem de cælo, habentem δόξην claritatem Dei & lumen, quod simile lumini Iaspidis, cuius fundamenta è lapidibus pretiosis, porta è margaritis extructa fuerint*. Conf. cap. 21. v. 10. & seqq.

Gloria
huic re-
gno pro-
pria.

§. 22. Omnes istæ, ut sic loquamur, gloriae, diverso modo, in hoc Christi regno concurrunt, ut ab ijs gloriae regnum merito dicatur. *Ortum enim habet ex Deo glorioso, cujus gloria licet etiam in regno potentia, variè pulchreque luceat, longè tamen amplius per hoc regnum est diffusa*. *Enarrant cæli, gloriam Dei creatoris sui*. Psal. 19. v. 1. Sed longè majoribus eam laudibus extollit cælum, quod beatis sedem præbet, tantò scil. majoribus, quanto splendidius, & plures majestatis divinæ in se habet radios. *Regem habet Christum*, juxta utramque naturam gloriosum, qui, quamvis etiam Ecclesiam & regnum gratiæ, gloria suâ

suâ, modo non uno, exornet, dat enim & gratiam & gloriam, ambulanti-
bus in innocentia, & sperantibus in eo, Psal. 84. v. 12. & 13.
in quâ gloria iusti exultant. Psal. 149. v. 5. Obscurior tamen ea
est atque occultior, tecta nubibus crucis & calamitatis, imò &
deformata peccati reliquiis. Nam omnis gloria filia Regis est ab
intus. Psal. 45. v. 14. fidei potius est, quam visionis. Cives habet
& incolas omnes gloriosos, electos, tum Angelos, tum homines, li-
cet non ex iisdem causis, illi & isti, gloria dona possideant. Nam
Angeli, certo modo ex primæ creationis, at præcipuè ex eâ, quæ
post ad ipsorum fidem secuta est, confirmationis gratiâ, gloriosi
sunt. Beati verò homines, ex Christi Regis merito, quo ut pec-
catorum remissio & iustitia, sic etiam cælestis gloria ipsis parta
est. Est tamen gloria quâ fulgent, eadem, ita, ut hoc nomine ho-
mines beati ἱεράγγελοι Angelis similes, dicantur. Matth. 22. v. 30.
Eadem non absolutè, per omnia, cum non ejusdem naturæ sint
Angeli cum hominibus, & hinc nec capaces gloriæ, quæ istis cer-
to modo propria est. Omnes iunctis vocibus divinam celebrant glo-
riam, eique laudes dicunt, licet homines, modo longè, quam in
hoc regno gratiæ fieri potest, gloriosiore. Quò referenda Scri-
pturæ dicta, Psal. 48. v. 5. & 126. v. 1. Esa. 35. v. 10. & 9. c. v. 5. 8. seqq.
cap. 19. v. 1. seqq. Conf. August. lib. 22. de Civ. D. cap. 30. Locus
ipse & habitatio, uti §. præced. dictum, gloriosus, ornatissimus, pul-
cherrimus, ut omnem hujus mundi gloriam, omnem mundano-
rum regnorum sive Salomonis, sive Ahasveri, sive aliorum splen-
dorem, longissimè superet. Cum itaque omnia in hoc Christi
regno, per omnes ferè circumstantias sint gloriosa, quod de Re-
gnis potentiæ & gratiæ, quibus aliàs sua etiam gloria constat, ita
dici non potest, meritò hoc nominis obtinet, ut gloriæ regnum
appelletur, potentiâ & gratiâ inde non exclusis.

§. 23. Gaudet verò hoc quoq; regnum, uti præceden-
tia, diversis in Scriptura appellationibus. Dicitur enim Regnum
absolutè & κατὰ ἑαυτὴν, hoc, quem exposuimus, loco; & Luc. 12. v. 32.
Complacuit Patri vestro dare vobis regnum. Erigit ibi Christus
Apostolorum aliorumq; fidelium animos, & quantū in se, à me-
tu liberat: Nolite, inquit, timere, pusille grex; mox hanc ponde-
rosissimam subiiciens rationem, quod ipsis decretum regnum
sit, ubi sensus non est, quod inter pericula hujus vitæ, inter fu-
rores.

Diversa
dicitur re-
gni nomi-
na.

rores & insidias Satanae, mundi, persecutorum, nimis metua-
 tis, nemo enim vos, de gaudiis in regno meo vobis paratis, detur-
 babit, stat gloria mea regnum, cuius Rex ab aeterno constitu-
 tus sum, in eo vobis, à Patre meo & me, parata sedes, ut eas suo
 tempore occupetis, & mecum regnetis: Ego Rex supremus,
 qui hoc regnum sanguine meo acquisivi, vos quoque sub me Re-
 ges, sicut in regno gratiae facere incepti, sic plenè faciam, in regno
 gloriae. *Reges faciam coram Patre meo caelesti*, Apoc. 1. v. 6. Cur
 absolutè regnum vocetur, ratio facilè obvia est, quia scilicet in eo
 omnia, quae regnandi maiestatem quocunque modo obscurare
 possunt, prorsus è medio sublata, hostes omnes, peccatum, Dia-
 bolus, mundus, mors, infernus, superati prostratique, & Rex &
 cives in summam & ineffabili gloria aeternum regnant. Apoc. 20. 6.
 Crebrò vocatur *regnum Dei*, Marc. 9. v. 49. cap. 11. vers. 14. & 24.
 Luc. 13. v. 28. cap. 23. v. 24. quod nomen licet suo modo cum re-
 gno potentiae & gratiae commune habeat, peculiariter tamen &
 singulari ratione sibi vendicat, tum, quod de eo parando prima ut
 sic dicamus, *Deo cura fuerit*, & hujus causa, atque ut isti servirent,
 duo reliqua, maximam partem instituta. Univerſus enim mundus
 quem potentia divina moderatur, Ecclesiae militanti & regno
 gratiae partim hospitium praebet, partim famulatur; ipsum ve-
 rò gratiae regnum, idè, ut ex eo in regnum gloriae fideles transfe-
 rantur, institutum, adèdque huius veluti quoddam plantarium
 est: tum, quod in eo maiestatem suam divinam uberrimè, atq;
 amplius, quàm in regno potentiae & gratiae capere animus pot-
 est, Deus manifestet: tum quod caelestium bonorum abundan-
 tissimam copiam, beatos cumulet, tum quod seipsum coram, de
 facie ad faciem, non, vel obscurioribus naturae vestigijs, vel per
 speculum in aenigmate, quae ejus videndi in hac vita ac regno
 potentiae & gratiae rationes sunt, contemplandum exhibeat:
 tum deniq; quod immediatè omnia in omnibus sit aeternumq;
 maneat. 1. Cor. 15. v. 28. *Regnum Patris caelestis* appellatur. Matt.
 13. v. 43. c. 26. v. 29. tum ad significandum ejus fontem, qui in di-
 vinis Pater est, ex quo, uti omnia alia, sic & gloria omnis atque
 maiestas: qui hinc quoq; *Pater gloriae* dicitur. Eph. 1. v. 17. à quo
 Filius ipse diverso respectu juxta utramq; naturam habet, quod sit
 Rex gloriae, ac gloriosè regnet; tum ut ostendatur, in hoc de-
 num

num regno æternum Patrem, affectum suum paternum, amorem, bonitatem, cuius primitias in regno potentia & gratia p̄ij percipiunt, plenissimè manifestare, ipsoque opere declarare. Quid omninò Christus Salvator respicere videtur, cum loc. cit. Matth. 13. v. 49. inquit: *tunc iusti fulgebunt sicut sol in regno Patris eorum*, vel rectius ad Græcum ἀστὴρ *sui*, id est: tum demum electi, reipsa sentient & experientur, quid sit, Deum habere Patrem, ab eoque paternè diligi, quàm ineffabilia ex hac origine bona promanent; id quod hâc in vitâ, obscurius fide intelligitur. Præterimus alia huius regni nomina, quorum consideratio ad artic. de vitâ æternâ commodius refertur. Vide D. Gerh: L. de vitâ æternâ §. II. & seqq.

§. 24. Nomina ipsius Regis Christi, huc pertinentia, duo sunt præcipuè; Prius extat Ps. 24. v. 7. & 9. quo vocatur *Rex gloria*. *Elevate porta capita vestra, & extollite vos porta seculi, & introibit Rex gloria &c.* Arcam fœderis, Regem gloriæ, imò & Jehovah ibidem dicitur, Enjedini, aliorumq; Photinianorum commentum est, quam eodém nomine gaudere, Num. 10. v. 35. & c. 32. v. 20. Deut. 12. v. 17. Jos. 24. v. 1. 1. Reg. 6. v. 2. volunt; A quibus non longè abeunt, qui ex Calvinianis, Christum quidem hic Regem gloriæ dici, sed tamen & arcam ejus typum ita appellari tradunt; quæ Riveti in Ps. 24. p. 245. est sententia. *Rex gloria Deus est*, sic ait, *sed typo etiam id est arca, hac appellatio attributa est*, in V. Test. eò quod Deus promississet, se inter Cherubim habitaturum, hoc est, preces Orantium auditurum, & ad petita responsurum: hinc Jos. 3. v. 11. *arca fœderis vocatur* YHWH *Dominus universa terra, quia præsentia symbolum erat ab eo institutum &c.* Ex falsâ hypothesi, quod de arcæ fœderis, in templū Salomonis recens extructū, introductione, Psalmus aut solum, aut præcipuè agat, hæc nascitur perabsurda opinio, quam nec intentioni Spir. S., nec verborum Psalmi majestati, consentaneam esse, disp. de regno potentia §. 1. ostendimus. Christus, & quidē solus est, de quo dignè religiosq; excipiendo, Psaltes loquitur, cuius sermo ejusdem est argumenti, cum Johannis Præcursoris Domini concione, prædicta Esaïæ 40. v. 3. & 4. *Parate viam Domino &c.* Hic gloriæ Rex, per Hebraïsmum *Rex gloriosus*, (aliis appellationis rationibus nunc missis,) vocatur, non quidem solum, sed tamen præcipuè ob Regnum

Diversa
Regis nomina.

E

gnum

gnum gloriæ : nam aliàs uti §. 22. diximus, regnum etiam potentia, ut & gratia, gloriosè administrat. Posteaquam enim superatâ morte, & depositâ formâ servi, in gloriam suam ingressus est, Luc. 24. v. 26. & ad dextram Majestatis in Excelsis sedit, Heb. 1. vers. 3. jam res omnes in cœlo & terrâ, pedibus suis subiectas, gloriosè moderatur, imprimis in regno gratia & Ecclesiâ, regendâ, propagandâ, tuendâ, suam declarat gloriam, & nomen suum admirabile facit in universâ terrâ. Psal. 8. vers. 2. Interim, multis modis obvoluta, & quodammodo contexta est, isthæc in regno potentia & gratia gloria, ut ferè non nisi à pijs & fidelibus agnoscat, & celebretur. In regno verò gloriæ, ubi beati cœlorum incolæ, gloriosissimum Regem, de facie ad faciem vident, ejus gloriâ illustrantur, gloriosas sedes occupant, ubi, uno verbo, omnia sine exceptione, & quidem per Christum Regem gloriosa, demum plenissimè gloria manifestatur. Ut hinc, cum Christus Rex gloriæ dicitur, præcipuè propter hoc regnum gloriæ, istud nomen habere, intelligendus sit. Affine, & ferè idem cum hoc est, quod Dominus gloria ab Apostolis in N. T. vocatus legitur. A divo Paulo 1. Cor. 2. 8. crucifixerunt Dominum gloria. In statu quidem imæ etiam exinanitionis, adeòq; in cruce, inter latrones, hoc nomen meritò gessit, ut gloriæ Rex juxtâ utramque naturam, diceretur; quippe qui semper ex despicatissimâ & contemptissimâ formâ, aliquos gloriæ radios, inter licitorum quoque & carnificum manus, etiam infami morte moriens, emisit. Verum, ex quo vivificatus, à morte rediens, gloriâ & honore coronatus est, 1. Pet. 3. v. 18. Psal. 8. v. 6. ut gloriosè in cœlis regnaret, pleno jam jubare, gloriam majestatis suæ diffundit: ad cujus contemplationem aliquo modo admissi, tum Apostolus aliquandiu exsultat, 2. Cor. 12. v. 2. & seqq. tum Stephanus, Act. 7. v. 55. & 56. A Iacobo cap. 2 v. 1. Nolite in personarum acceptione habere fidem, Domini nostri Iesu Christi gloria, Erasmo quidem, ut vocabulum *δόξας* hîc non nomine gloriæ, sed opinionis vertatur, placet; unde ita Græcum textum reddit: Ne cum respectu personarum habeatis fidem, Domini nostri Iesu Christi ex opinione. Addit in notis, pag. 591. subdubitans rectè ne verterit: Vide lector, num vox *δόξας* hîc declaret non gloriam, sed opinionem, ut referatur ad nomen *προσωποπίας*, sitque sensus

sensus: Ne habeamus fidem Domini nostri Iesu Christi, in discretionem personarum, ut ex sua cuiq; opinione quenquam aestimemus, non hoc quatenus est Christianus, sed quatenus nobis aut magnus aut humilis est, ob affinitatem, divitas &c. A quo, ut pleriq; interpretes alij recedunt, ita durius in eum invehitur Benedictus Justin. pag. 61. ubi uberius ostendit, vocem δόξης, si per opinionem vertatur, neque cum fide, neq; cum Christo cohærere, adedq; perperam, & prorsus extra rem factum esse, ut sic transferretur. Confer etiam Lorinum, rem prolixè septem diversarū explicationum commemoratione, pertractantem. Est ita; cum creberrimus vocabuli δόξα in N. Test. usus sit, vix tamen ullibi hanc acceptione, ut opinionem notet, (quæ significatio aliàs in profanis autorib; sat usitata,) invenitur; proinde meritò Vulgata hinc retinetur, & quidē ut in ipsa vocis translatione, sic quoq; in relatione, nō vel ad acceptionem personarū, quæ Cajetani est sententia, à Jacobo Laurentio confutata, pag. 131. vel ad τίσιν, ut vult Piscator, cujus explicatio alioquin non prorsus est incommoda, sed sine traiectione ad αὐτίον, cui ex ipsius Spiritus S. instinctu juncta legitur, ut simplex sensus sit: Nemo vestrum existimet fidem & religionem Christianam, quam à Jesu Christo æterno Dei Filio, qui gloria Dominus est, gloriosèque regnat, habemus, hoc ferre, ut in cœtibus Ecclesiasticis, divites impij pijs pauperibus præferantur.

§. 25. *Hiscæ, quæ & regni & Regis nostri appellatio An sit Regni gloriæ? qui allatis Scripturæ testimoniis fidem habet, de ipso gloriæ regno, quod & constitutum sit, & jam à Christo Rege administratur, amplius dubitare nequeat: quò referenda uberioris confirmationis gratiâ, omnia vaticinia Prophetarum V. Test., de utroq; Messia, tum venturi statu exinanitionis & exaltationis. Psal. 8. v. 6. & 68. v. 1. & seqq. & 110. v. 7. Esa. 33. v. 8. & seqq. & passim alibi: Referendi typi, Iosephi à fratribus venditi, & in carcere, usque ad tertium annum detenti, postea ad insperatam gloriam evecti, de quâ ipse ad fratres obstupefactos, Gen. 45. v. 13. abire, inquit, nunciate Patri meo universam gloriam meam, & cuncta quæ vidisti &c. Davidis, post exantlatas plurium annorum calamitates, ad solium Regium, inter populi applausus & congratulationes exaltati.*

E 2

Sam. 5.

Sam. 5. v. v. I. seqq. 1. Chron. 12. v. I. seqq. *Salomonis*, in vivi videntis-
 que Patris Davidis thronum, post solennem unctionem,
 acclamante populo, collocati, 1. Reg. 1. v. 39. & seqq. *Referenda*
Evangelistarum & Apostolorum testimonia, quibus, quemad-
 modum Christi statum & formam servilem, in quâ à primâ con-
 ceptione, usque ad mortem crucis vitam egit, copiosè descri-
 bunt, sic etiam majestatem ejus, ac ingressum in gloriam, ple-
 rumque subjiciunt, quæ huc conferre non opus est. *Referen-*
da ipsius Christi, qui testis verax est, Apoc. 1. v. 5. ipsaque veritas,
 verba: tum ante mortem & passionem, Luc. 18. vers. 33. tum post
 mortem & resurrectionem, cap. 24. v. 26. prolata. *Referendum*
præludium, & gloriosa ἀπαρχὴ in monte, ex constanti veterum
 plerorumque opinione, Thabor. Matth. 17. vers. 1. Marc. 9. v. 1.
 Luc. 9. v. 28. 2. Pet. 1. v. 26. Multa Christus de morte sua, multa de
 periculis, de passione, de cade Apostolorum, in precedentibus locutus
 erat, (verba sunt Chrysost. hom. 57. in Matth.) aspera complura
 eis atq. ardua injunxerat, quibus subnectit dulcissimam promissionem,
 Matth. 16. v. 28. Amen dico vobis, sunt quidam de his stantibus, qui
 non gustabunt mortem, donec videant Filium hominis venientem in
 regno suo. Quibus quidem verbis, Pontificii fabularum ama-
 tores, ineptissimè, Christum Johanni Apostolo pollicitum fuisse
 narrant, ut non moreretur ante novissimum diem. Conf.
 Pet. de Natal. Catal. sanct. lib. 1. cap. 17. Alij eundem locutum ar-
 bitrantur, de illa gloriâ, quâ se Apostolis suis, & alijs quibusdam
 fidelibus, conspiciendum erat exhibiturus, post resurrectionem
 suam, & in ascensione ad cælos. Luc. 24. v. 31, 36. & seqq. Joh.
 2 S. v. 19. & seqq. Act. 13. & seqq. Nonnulli de regno gratiæ, &
 illustri Evangelij per universum terrarum orbem propagatione,
 egisse volunt, quos inter Beda, Regnum Dei hoc loco inquit, præ-
 sens Ecclesia vocatur &c. Verum gloriosam transformatio-
 nem corporis sui & vestimentorum, ac quæ circa eum alia,
 post sextiduum acciderunt, Dominum promississe, & ex histo-
 riâ ac verborum connexioneliquet, & ex 2. Pet. 1. v. 16. & seqq.
 ubi de complemento promissionis loquens, speculatores inquit,
 facti sumus, & illius magnitudinis, & vocem audivimus, de cælo allatam
 magnificâ gloriâ, cum essemus cum ipso in monte sancto. In quâ
 trans-

transformatione, quâ ut Hieronymus ait, non perdidit faciem, aut corporis veritatem amisit, novo assumpto, sed claritatis gloriâ illustratus fuit, ut & in colloquio cum Moſe & Eliâ, qui & ipſi in ſublimibus apparuerunt, imaginem quandam glorioſi ſui regni, quod ſibi deſtinatum eſſet, exhibuit. *Qualis enim ſuturus eſt tempore iudicandi*, inquit, citat. loco Hieron. *talis apparuit Apoſtoliſ*; & Beda: *qualis tunc Apoſtoliſ apparuit, talis poſt iudicium cunctiſ apparebit electiſ*. Conf. Gerhard. LL. CC. de V. Ætern. §. 2.

§. 27 Vnde, & à quo Chriſtus Rex gloriæ ſit, & gloriæ regnū habeat, Vnde reſponſum gloriæ Chriſti ha-
ſupra §. 11. in textuſ *ἐξ ὧν* vidimus. Eſt iſ æternuſ Pater, à quo Rex ut potentiæ & gratiæ, ſic & gloriæ conſtitutuſ eſt. Conf. diſputat de regno Chriſti in genere, §. 25. de regno potentiæ, §. 24. de regno gratiæ, §. 26. Hic immenſuſ omniſ gloriæ ſohn eſt, inde *Pater gloriæ* dictuſ, Eph. 1. verſ. 17. Et hic ex ſe ab æternoglorioſuſ, Filium ſibi gloriâ æqualem genuit, ut Deum ex ſe Deo, ſic gloriæ Regem, ex ſe Rege: Hic euandem Filium, etiam juxta humanitatem, in tempore Regem glorioſum fecit, ipſo tamen Filio & Spiritu Sancto hic non excluſiſ: quò ſuo modo pertinet, quod verbis Majestate plenſ, Apoſtoluſ cit. cap. 1. Eph. verſ. 17. & ſeqq. de Chriſti exaltatione reſert. Nec planè incommodè huc applicari poſſunt verba Chriſti, Joh. 8. verſ. 50. *Eſt (æternuſ Pater) qui gloriā meā querit: & 54. Eſt Pater meus, qui glorificat me.* Conſtat quidem ex textuſ *συγγενὴς*, & colloquio cum Judæiſ à Chriſto inſtituto, non in ſpecie de gloriæ regno loc. cit. verba fieri, ſed Chriſtum calumniari, quibuſ ab hoſtibuſ inceſſebatur, retundere: Dixerat, Joh. 8. v. 13. *Verum eſſe teſtimonium, quod de ſeipſo perhibeat*, dixerat verſ. 16. *ſe ex Patre & cum eo reſtare*, dixerat, ſe maiorem & priorem Abrahamo eſſe, verſ. 53. inde Judæi ex mentis cæcitate, per quam divinam Chriſti gloriā videre nequibant, occlamabant, ipſum eſſe blaſphemum, ambitioſum, & impium jaſtatoſem, qui, quod in nullum hominem cadat, ſibi impudenter tribuat. Hiſ reſpondet, verſ. 50. *Ego gloriā meā non quero.* Quæ quidem verba Chryſoſtomuſ & alij, de dilatione vindictæ explicant, ut ſenſuſ ſit: *Vos, dum palam ex incredibili in me odio dicitiſ, me eſſe Samaritanum, & habere Damonium, extremè in me eſtiſ contumelioſi, quam quidem in me injuriā, ad gloriā meā tuendam, hoc momento*

mento ulcisci possem, & grave à vobis sumere supplicium, sed abstin-
 neo, &c. Verum textui convenientius est, si Christi responsum,
 de vanâ gloriæ jactantiâ, quam Judæi ipsi objiciebant, intelliga-
 mus, hoc sensu: vos me hominem blasphemum, ambitiosum,
 & inanis gloriæ cupidum, proclamatis; at talis ego non sum;
 quæ enim de proprio testimonio, de *ὁμολογία* cum æterno Patre,
 eiusque in me essentiali habitatione, de æternitate meâ, & quod
 prius quam Abraham fuerim, dixi, in se sunt verissima, licet vor-
 bis impia & falsa videantur: non ego vanam sector gloriolam,
 nec mihi ipsi placeo; quâ in parte æternum Patrem meum, con-
 tra vos testem, vindicem, judicem habeo: Is enim est, qui & per
 æternam generationem, gloriam majestatemque suam mihi com-
 munem fecit, & in tempore, juxta carnem, me immensâ illâ af-
 fecit gloriâ, quam ab æterno apud ipsum habeo, qui gloriosum
 mihi constituit regnum, paulò post, me in gloriâ suâ thronum
 evecturus, ut æternum gloriosè regnum. Ergò hoc quoque *ὕπε-
 ρασπισμῶ*, Christus omnem gloriam, quam unquam habuit,
 hodièque habet, & in infinita secula habiturus est, æterno Patri
 fert acceptam; quem etiam cap. 17. Ioh. v. 1. & 5. sublatis in cœ-
 lum oculis, pro glorificatione invocat: *Pater glorifica Filium
 tuum*; quanquam, quod & petendi ratio, & fidei analogia exi-
 gunt, de se, tantum juxta humanam naturam loquatur, quo
 modo ita admirabiliter petit, ut alio respectu, nempe juxta divi-
 nam naturam, ipse quoque exaudiat, ita accipit, ut & elargiatur.
 Athan. Orat. 2. contra Arian. *Admirabile est, quod Filius cum Pa-
 tre donat, id idem, cum sit Filius, à seipso accipit, eò quod corpus ista
 recipiat.* Conf. Cyrill. l. 8. Thesaur. cap. 1. & D. Gerhard. harm.
 Evangel. cap. 180.

Christus
 iuxta u-
 tramque na-
 turâ regnū
 gloriæ ad-
 ministrat.

§. 28. Caterum si queratur, juxta quam naturam Christus
 regnum gloriæ, quod à Patre habet, administret, ex ijs quæ supra §. 11.
 & 12. ad textus *ἐν ἑνὶ θῷ* allata sunt, responsum petere facilè
 est. De divinâ nemo, nisi qui ipsam Christi divinitatem, cum A-
 rianis & Photinianis negat, dubitabit; Iuxta hanc enim, sicuti
 idem cum Patre Deus, ejusdem Majestatis, sapientiæ, potentiæ,
 &c. ita & Rex idem, idque in omni regno divino. De eodem, juxta
 humanam naturam, præcipuè intelligendum locum, quem modo
 explicavimus, cit. §. 12, ostensum est. Quo cum conjugenda
 omnia

omnia ea Scripturæ testimonia, quæ Christum etiam *qua hominem*, in divinæ gloriæ throno collocant. Matth. 25. v. 31. *Veniet Filius hominis in gloriâ suâ, sedens super thronum gloriæ suæ.* Ubi à subjecto, humanam naturam excludere velle, & Filium hominis, sine humanitate fingere, contradictionem in adjecto habet. Accedunt circumstantiæ aliæ, singulariter humanam naturam indigentes, ut quod visibiliter in gloriâ sit appariturus, in conspectum suum omnes orbis populos convocaturus, externâ voce sententiam prolaturus, &c. Hebr. 12. v. 2. *Respicimus in fidei ducem & consummatorem Iesum, qui proposito gaudio, pertulit crucem, ignominiam, contemptum, & ad dextram throni Dei confedit.* Quibus verbis Apostolus apertè humanam naturam respicit, juxta quam & gaudium sibi habuit propositum, quo tamen abstinuit, & crucem atque ignominiam pertulit, & tandem in throno Dei gloriôsè confedit, juxta eandem naturam gloriâ coronatus, juxta quam fuerat ignominia affectus. Apoc. 3. v. 21. *Vici & sedi cum Patre in throno eius:* Est autem victoria Christi, etiam juxta humanam naturam, ut & præcedens pugna, quo calcaneo insidias serpentis expertus est, eodem & caput ipsius contrivit, Gen. 3. v. 15. Apoc. 5. v. 6. & 12. *Agnus occisus est in medio throni, accipiens virtutem, & fortitudinem, & honorem, & gloriam.* Conf. c. 7. v. 17. Atque idem amplius patet, si per omnes partes manifestationis, atque exercitij gloriosi regni, eamus; Ubi primum occurrit; *Mortuorum è sepulchris excitatio*, de qua passim scriptura ita loquitur, ut notanter humanæ Christi naturæ mentionem faciat. Ioh. 5. v. 28. *Veniet hora, in quâ omnes qui in monumentis sunt, audient vocem Filij hominis,* 1. Cor. 15. v. 21. *Per hominem mors, & per hominem resurrectio mortuorum.* Rom. 14. v. 9. *Constitutus est Dominus vivorum & mortuorum;* adde exempla eorum, quos Christus in terris ad hanc vitam è morte revocavit, Matth. 9. v. 25. Luc. 9. v. 14. Ioh. 11. v. 43. ubi, quia tactus organo & humanâ voce usus est, à miraculosis istis operibus, naturam suam humanam nequaquam sequestrandam esse, palàm docuit. *Mortuorum resurrectionem sequitur ultimi & universalis judicii administratio,* cujus potestatem Christo juxta humanam naturam datam esse, clarissima verba Ioh. 5. v. 27. evincunt: *Pater dedit potestatem faciendi judicium Filio, quia Filius hominis est;* nec aliam fert sententiam,

rentiam ipsa iudicis descriptio, qui dicitur venturus in nubibus cœli, Matth. 24. v. 30. *conspiciendus ab omnibus*, Zach. 12. v. 13. Apoc. 1. v. 7. compellaturus electos & damnatos, Matth. 25. v. 34. & 40. Quæ & alia id genus plura, humanam Christi naturam propriè notant. Quorsum & reliqua pertinent, scil. *separatio impiorum à piis, horum ad dextram collocatio, blanda invitatio, in locum gaudij introductio, abundantissima cœlestium bonorum communicatio, æterna in cœlis cohabitatio*, quæ omnia, Christo etiam secundum humanitatem in sacris literis tribuuntur, quod in articulis de mortuorum resurrectione, extremo iudicio, & vita æterna uberius demonstratur.

§. 29. Orthodoxam hanc de Christo, gloriæ regnum, juxta utramq; , adeoq; in primis etiã juxta humanam naturã administrante sententiã, corrumpunt *in defectu Calviniani*, dum carnem Christi à reali participatione infinitæ gloriæ, ex unione personali promanante, excludunt; In throno immensæ majestatis sedem illi concedunt, sed ut *duplicem ad dextram Patris sessionem*, sic & *duplicem paternam gloriæ thronum*, fingunt: *Vnum superiorem*, in quo & ex quo Christus juxta divinitatem, æquali cum Patre gloriã, sapientiã & potentiã præditus, sedeat & regnet. Conf. Martin. in spic. p. 150. Ursinum in Explic. Catech. p. 351. Alterum inferiorem, in quo & ex quo, juxta humanam naturam, *summum quidem & gloriosum imperium habeat, sed proximè post Deum*. Mart. in spic. p. 143. *Sit beator ceteris creaturis, & habeat super omnes creaturas regiam & judiciariam potestatem, sed finitam, polleat gloriã & dignitate, quantam maximam capiat res creata, super omnes Angelos & homines*. Bucan. Loc. 28. q. 11. Sohn. tom. 2. pag. 279. Sed quis unquam, vel duplicem sessionem ad dextram Patris, vel duplicem Patris æterni thronum, in Scripturis legit? Est dextra Dei in hoc articulo non nisi una, non nisi unus infinitæ virtutis & majestatis thronus, inde non nisi una sessio, unum gloriosum regnum, Christo juxta utramque naturam, licet ex diverso principio, adscriptum. Conf. Apoc. 3. v. 21. *Ego vici, & sedi cum Patre meo in throno ejus*. Vehementer ineptiunt, qui, ut postulatum suum de Christi regno gloriæ à Deo proximo, obtineant, adducunt ex Zachar. 13. v. 6. *Phramea suscitare super pastorem meum, & super virum consortem (proximum) mihi &c.* Quæ

Quæ æterni Patris verba, tantum abest, ut diversam potestatem, gloriam, regnum, exprimant, ut potius, è contrario, Christi cum æterno Patre *divinitat* & æqualitatem, stabiliant. Ipse Piscator hoc agnoscit, in c. 13. Zachar. scribens, ad verba *proximum meum vel socium meum*. Hæc voce innuitur *æqualitas Christi cum Patre*; Nec aliter Junius & Tremellius: Hoc nomine, (proximum) Deus Pater Magnificè appellat Christum, quia Christus est alter idem, *imago Dei invisibilis &c.* In excessu Schwenckfeldiani, qui quidem *vi-* Schwenck
deri volunt Christi humanam naturam, in statu & regno gloriæ *feldianorū* salvam tueri, sed opere ipso, & monstrosis suis opinionibus, totam destruunt, ut præter divinitatem in Christo nihil relinquunt. Ajunt per manifestam contradictionem, è Magistri sui scholâ in 1. Apologia ad Princip. Lignic. Homo Iesus Christus, natura sua humana indeleta, per suam glorificationem, & divinam primogenituram ex mortuis, essentiâ, vitâ, regno, dignitate, & potentiâ, in & cum Deo, omne hoc quod Deus est, factus est. Et rursus: Homo Iesus, suo corpore, sanguine; & carne, totus est eius Essentia & Potentia, cuius est Deus Pater, & coeternum atq; omnipotens eius verbum ante incarnationem fuit, ut & cum Spir. S., in Essentiâ divinâ unus. Iterum: Christus in gloria non solû non est creatura, sed & prorsus nulla creaturalis conditio & proprietas, in ipsius toto corpore & sanguine invenitur. Amplius: Sedere ad dextram Dei, nihil aliud significat, quam quod humanitas sit in Christo sue æternæ divinitati equalis, in & cum ea prorsus unius essentia & potentia, majestatis & dignitatis. Conf. Confessionem ejus magnam; item de filiat. & gloria Christi, de Trinitate &c. ubi articulum Deificationis, (Germanicè *Gottseverdung*/sic enim eam vocat) pertractat. Ex quibus omnibus liquet, quicquid de humanâ Christi naturâ, in regno gloriæ, Schwenckfeldiani, & qui ipsis aditipulantur, dicant, eos revera naturam ipsam evertere, adedque negare, quod Christus etiam juxta humanam naturam, quæ verè humana, & à divinâ naturâ, essentiâ, proprietatibus divisa sit, regnum gloriæ administret. In quo errore confutando, nostrum non est, hic operose laborare, quod superioribus annis factum, à Doctore Wigando, in Schwenckfeldianismo uberrimè, à pag. 134. ad 258. à Doct. Lucâ Osiandro seniore, in *widerlegung der Bekenntniß Caspar Schwenckfelds* / à pag. 156. usq; ad pag. 195. Ex historia Evangelii

angelicâ abunde constat, Christum eodem corpore, quo mortuus & sepultus est, resuscitatum esse, discipulis aliisque videndum contrectandumque se exhibuisse, eodemque in cœlos ascendisse; adeoque regnum gloriæ, ad ejus æternam administrationem esse ingressum, venturum in carne suâ visibiliter ad judicium, & ab ijs, qui ipsum confixerunt, visum iri, ac post judicium, electos suos, secum in æternam gloriam introducturum, ut ex ipsius, tanquam fratris aspectu, ineffabili gaudio perfundantur. Quæ omnia olim Schvvenckfeld, felicius quam melioris ingenij, homo fanaticus, loquax, scribax, insignis hypocrita, qui post tot admonitiones, suberbè contemptas, in reprobum sensum datus, nec capere nec intelligere potuit, aut potius voluit. Conf. Petrum Piscator. Profess. Ienens. comment. in formul. Concord. disput. 13. p. 717. seqq.

An Christus in regno gloriæ ministris utatur?

§. 30. Sed, anne Christus Rex gloriæ, uti in potentia & gratia regno, sic & in hoc, liberè ministris & organis utitur? Sanè id absolutè negari nequit, si certos gloriosæ gubernationis actus spectemus, nimirum illos, quos in gloriosa ultimi judicij administratione conuersuros, Scriptura prædicit, quales sunt: inauditus, & nobis hoc vitæ statu ineffabilis tubæ clangor, hominum omnium è sepulchris & morte suscitatorum congregatio, congregatorum in duas classes distributio, electorum ad Christi dextram, impiorum ad ejus sinistram, collocatio &c. Ad quos, quod Angelorum ministerium Rex Christus liberè adhibiturus sit, ex sacris literis clarum est. Matth. 24. vers. 31. Filius hominis mittet Angelos suos, cum tuba vocis magnæ, v. 31. Angeli congregabunt electos à quatuor ventis mundi, cap. 35. v. 32. Congregabuntur ante Christum omnes gentes, cap. 13. vers. 49. Angeli separabunt malos de medio justorum. Conf. 1. Cor. 15. v. 51. 1. Thes. 4. v. 16. Marc. 13. v. 27. Huc pertinent, quæ & ipsi Angelis ministris tribuuntur: majesticus Christi Regis ad judicium descendens, comitatus, Matt. 25. v. 31. Luc. 9. v. 26. Damnatorum, post latam sententiam in infernum detrusio, vel, quæ Scripturæ vox est, Matth. 13. v. 41. in caminum ignis missio, piorum & electorum letissima in locum gaudij & cœlestes sedes deductio. Uti enim hodiè Angeli, singulorum piorum animas, corporibus egredientes, in sinum Abrahamæ deportant, Luc. 16. v. 22. sic & omnes simul in vitam æternam ingredienti, cum applausu de-

su deducunt, ipsi sese, & sibi ipsos chorisq; suis immiscentes. Sed & horum electorum ministerium, Rex Christus, in glorioso iudicio adhibebit, quos, Scriptura testante, habebit Assessores & testes Matth. 19. v. 28. *Sedentes super sedes duodecim, iudicantes duodecim tribus Israël.* Conf. 1. Cor. 6. v. 2. Apoc. 3. vers 21. *Sic consummatio seculi, quæ ipsa quoque gloriosus actus futurus est, fiet mediante igne, 2. Pet. 3. v. 7. elementa igne accensa solventur, terra autem, & quæ in ea opera sunt, exurentur: qui ignis, qualis futurus sit, novit, qui eundem potentiâ suâ excitabit.*

§. 31. Verùm si ab his, qui quidem etiam ad plenum Christi gloriæ regnum, sed tamen tanquam actus quidam præparatorii, referuntur, in ipsa cœlestis gloriæ domicilia, atque ad jucundissimam Christi & electorum cohabitationem, Scripturâ Duce, ingrediamur, & quo pacto sese æternorum gaudiorum tum collatio, tum perceptio habeat, æstimemus, *Vix ministris & organis ullis, sicut in regno potentia & gratia, locus relinquitur. Erit enim tunc Deus, Rex gloriæ Christus, cum Patre & Spiritu Sancto immediatè ipse omnia in omnibus, 1. Cor. 15. v. 28. In regno potentia, dum hîc vitam agimus, per multos quasi, variosque canales, sua ad nos beneficia deducit, ut servemur: quorum nullus in vitâ alterâ & regno gloriæ, conspicietur, quâ de re Gregor. Nyssen. disputat, de animâ & resurrect. tom. 3. edit. Paris pag 228. & seqq. In vita inquit, quam in præsentia transigimus, varia pariter & multe res sunt, quarum participes sumus, ut temporis, ut aëris, ut loci, cibi, & potus, ut tegumentorum, ut solis, lucernarumq; ut aliarum multarum, ad usum vitæ necessariorum, quarum rerum nulla Deus est: beatitudo verò quæ expectatur, nullius quidem harum rerum egena est; omnia enim nobis, locosq; omnium erit divina natura, ad omnem usum ac necessitatem illius vitæ sese convenienter & aptè impertiens: atq; ut planum & manifestum est ex sacris oraculis, quod Deus & locus existit ijs qui digni sunt, & domus, & indumentum, & cibus, & lumen, & divitiæ, & regnum, ac quicquid vel mente concipi vel nominari potest, quod nobis conferat & conducat ad bonam vitam, &c. Sic in regno gratia, Christus sua constituit organa, personalia & realia, ordinaria & extraordinaria, per quæ sua nobis spiritualia beneficia confert, nos de viâ salutis informat, consolatur, illuminat, regenerat, justificat, sanctificat &c.*

de quibus præced. disput. §. 29. & seqq. distinctè actum. At in regno gloriæ, his omnibus remotis, & sublato speculo, seipsum & gloriam suam beatis conspiciendam sistet, ut ipsum videamus *ficti est*, 1. Joh. 3. v. 2. *Non habebit templum cœlestis Hierosolyma*, in quo audiantur concionatores, administrentur sacramenta, aut alia huic gratiæ statui propria, peragantur, sed Dominus ipse, & Deus omnipotens eius est templum, & agnus, Apoc. 21. v. 22. *Sanctorum Doctorum* inquit Cassiodorus, in presenti tantum vita necessaria est prædicatio, & doctrina; Nam in alia vita, postquam apparuerit æterna dies & finita fuerit nox presentis seculi, non necesse erit doceri aliquem, quia omnes revelatâ facie gloriam Domini contemplabuntur. Conf. Luth. in enarrat. c. 15. prior. ad Corinth. tom. 6. Jenens. Germanico p. 242. v. 6. & seqq. ut & comment. in cap. 2. Epist. Post. Petri ubi ad verba erimus *deus non videri quod sit*. Nihilum ait, extare in Novo & Veteri Testamento locum, huic majestate similem, quanquam infideles eundem parum curent. Addit: quid est divina natura? Est æterna veritas, justitia, sapientia, vita, pax, gaudium, & quicquid boni nomine comprehenditur: iam qui divina natura consors efficitur, hæc omnia consequitur. Ergo quod Christus ex libertate facit, ut in regno potentiæ & gratiæ, ad varia beneficia exhibenda, creaturarum ministerio utatur, id ex eadem libertate non facturus est, in regno gloriæ, sed ipse immediatè omnia erit. Sanè, quod & in disputat. de regno Christi in genere, sub finem §. 28. diximus, beati in futura vita & regno gloriæ, etiam ex mutua conversatione & colloquio, nec non ex jucundissima cum beatis Angelis societate, ac pulcherrimis sedibus, amplissima capient gaudia, sed ea tamen omnia, Deus & Christus, qui omnia in omnibus erit, præsentissimus dabit. Apoc. 21. v. 3. cap. 22. v. 23.

§. 32. Pergimus ad materiam circa quam, sive objectum, regni gloriæ, quod nobis ejus incolæ sunt & cives. Apostolis hoc regnum dispositum esse, supra §. 15. & 16. ex textus explicatione diximus, ubi tamen additum, non eos solos esse, sed alios plures, quibus tanta bona parata. Videndum ergo, qui, præter Apostolos, & nunc sint, & aliquando sint futuri, regni gloriæ cives & hæredes; Ubi primas Angeli habent, qui in concreatâ sanctitate & ju-

Obiectum
regni gloriæ

Angeli
boni,

& iustitiâ perstiterunt, & mox gratuitum confirmationis bonum sunt consecuti, ex quo, ad gloriam quâ æternum fruuntur sunt evecti, cujus perfectionem ex primâ creatione, si omnia diligenter expendamus, eos non habuisse, afferendum est. In felicissimo quidem statu, à primo creationis momento, fuerant, quanquam ea felicitas certò definiri nequeat, cum verbi divini revelatione hâc etiam in parte destituamur; sed non illicò in glorioso, de quo nobis hic sermo est, qui beatificam Dei visionem atque simul incomparabile privilegium ἀμταπτόστας, complectitur. Eadem & communis fuit omnium Angelorum, posteaquam, ut aliæ creaturæ, ex nihilo præductæ sunt, fors & ratio: ad æternam & gloriosam vitam fuerunt conditi, sed, ut certo ordine, ac cum conditione perseverantiæ, eam assequerentur: sua interim omnibus ipsis constabat beatitudo & felicitas, quæ ad perfectionem via erat. Qui itaque in viâ illa fidem præstiterunt boni Angeli, post confirmationem, in regnum gloriosum, ad beatam Dei visionem, sine morâ suscepti sunt: quod, quo pacto factum, rursus à nobis explicari nequit: reliquis, qui fidem fregerunt, & in ἀποστασίᾳ prolapsi, tum ex concreatâ felicitate, tum ex spe consequendæ gloriæ deturbatis. Quemadmodum enim & homines sapientissimus & liberrimus creator, *ad vitam & gloriam æternam creavit*, Sap. 2. v. 23. Sed ut prius in alio vitæ statu, qui & ipsis sat felix esset, debitum ipsi cultum & obedientiam, juxta sancitam legem, constanter præstarent; quo facto demum, ratione, modo, & tempore Deo cognitis, ad cælestis vitæ gaudia, Deique visionem, fuissent translati. Sic etiam Angelos ad gloriosam vitam conditos, non statim ipso creationis momento eadem beavit, sed sapientissimâ & liberrimâ voluntate, prius viatores, quæ Scholasticorum vox est, eos, ac in tali statu esse voluit, in quo liberè ipsi, sine tamen confirmatione, servirent, & ex concreatis sanctitatis & liberi arbitrii viribus, non peccare, licet, si malitiosè ijsdem abuterentur, etiâ peccare possent. Quod si itaque, quæ optimi creatoris voluntas fuit & intentio, omnes in viâ sibi destinatâ fideliter, quod facillè poterant, & à multis factum, ambulassent, omnes etiam in gloriam ac conspectum Dei fuissent assumpti. Quia verò aliqui tantum ex legitimo liberi arbitrii usu, in via constantiam præstiterunt,

liqui ex turpi ejusdem abusu, à via deflexerunt, hinc factum, ut illi tantum ex gratia gloriæ participes facti, hi verò, ex merito, sedibus suis, & à spe gloriæ sint dejecti. Ex quo patet, Angelos malos, licet suo modo ex creatione beati fuerint, gloriosos tamen vultus divini contemplatores, adedque regni hujus, de quo agimus, cives nunquam extitisse, cum, qui hujus regni jura, inter quæ Dei visio eminet, semel ex gratiâ divina obtinet, ea nunquam amittere possit. Inter plurima enim, & nobis infinita alia cæli bona, Dei visio etiam ἀμεταπτώσις beneficium & in bono confirmationem comprehendit, ut, qui ea fruitur, ejus sese voluntas à Deo nunquam avertere, aut in peccatum prolabi possit. August. lib. de Civ. D. II. cap. 11. pag. 622. *Spiritus tenebra, quos Angelos dicimus, simul ut facti sunt, lux facti sunt, ita tamen creati, ut illuminati, sapienter beateq; viverent: ab hac illuminatione aversi quidam Angeli, non obtinuerunt excellentiam sapientis beateq; vite, que procul dubio non nisi æterna, æternitatisq; sue est certa atq; segura. Quatenus autem antequam peccassent, illius sapientie fuerint participes, definire quis potest? Conf. seqq. Ut & quæ graviter pièque Ludov. Vives ad dictum caput, contra vanam scholasticorum curiositatem commentatus est; huc non adscribenda.*

Homines.

§. 33. Angelis beatis, in regno gloriæ συμπολίται, sunt homines, & voto quidē divino antecedente omnes, sine exceptione. Si enim certum est, Deum ab æterno serio voluisse, ut omnes homines ordinis constituti observatione, salvi fierent, 1. Tim. 2. v. 4. quin gloriæ regni cives esse etiam voluerit, negari nullo modo potest, cum hæc per omnia idem sint. Habet omnino, ut prima hominis creatio, sic & redemptio per Christum facta scopum, eorundem omnium æternam beatitudinem, quo nomine etiam omnibus, ad regnum gratiæ in his terris janua patet, ut per illud, tanquam per atrium, in regni gloriæ adita transeant. Sed quia hic non de eo quod in votis, suo modo, Deus habet, sed quod ipso opere, ex voto consequitur, non de ijs quos vult esse, sed qui rei pla partim jam sunt, partim futuri sunt regni gloriæ cives, agimus: ideoque ex totius Scripturæ unanimi sententia, *non nisi credentes, & quidem finaliter ac perseveranter credentes, cives*

Perseveranter
credentes,

cives dicere possumus. Regnum gratia nonnihil amplius est, ut quoscunque credentes, quando & quamdiu credunt, sinu suo foveat. Conf. præced. disput. §. 33. sed regno gloriæ, non nisi illi adscribuntur, qui in regno gratiæ, fide usque ad finem perseverant. Mat. 24. v. 13. qui perseveraverit usque ad finem, salvus erit. Apoc. 2. v. 10. Est fidelis usque ad mortem, & dabo tibi coronam vitæ. Qui vero inclinant animos suos ad itinera tortuosa, amandabit eos Iehova, cum ijs, qui dant operam iniquitati, Pl. 125. v. 8. Atque hi tales, qui finaliter credunt, cujuscunque sint gentis, nationis & populi, cujuscunque sexus & ætatis, digni hoc regno ex gratia habentur; sive ab Oriente, sive occidente veniant, recumbunt cum Abrahamo in regno cælorum, Matth. 8. v. 11. quia Deus non est acceptor personarum, sed ex omni gente, qui timet eum, & operatur justitiam, carus est illi, Act. 10. v. 34. Unde Johannes Apoc. 7. v. 9. turbam beatam vidit collectam ex omnibus gentibus & tribubus, & populis & linguis, qui quidem pauci sunt, si cum maximo damnatorum cœtu, & impiorum colluvie conferantur: pauci enim ex multis vocatis electi, Matth. 20. v. 16. cap. 22. v. 14. Pauci inveniunt viam arctam & angustam portam vitæ, Luc. 13. 23. sed tamen in se multi, Matth. 8. v. 11. & magna turba, Apoc. loc. cit. Augustin. sermone 32. de verbo Domini tom. 10. pag. 125. Pauci sunt qui salvantur, in comparatione multorum percurrentium, sed ipsi pauci, magnam massam faciunt, cum venerit ventilator, habens ventilabrum in manu sua, & mundabit aream suam, tanta massa processura est de hac area, ut impleat horreum cœli &c. Neminem ergo ex semel damnatis huc admittit scriptura, quod olim Origenes affirmasse creditur: neminem ex gentilibus & Ethnicis vera fide destitutis, nullum Numam, nullum Aristidem, nullum Socratem admittit, quos Zwinglius quantum in se, & cum eo nonnulli ex Pontificijs, (quibus & Erasmus Roterod., qui simulachra virtutum, quæ celebrium Ethnicorum verba præ se tulerunt, nimium admiratus est, passim se socium præbuit. Vide vel solum convivium religiosum in colloq. tom. 1. operum pag. 574.) in cælestibus sedibus collocarunt. Conf. D. Gerhard. uber. Exegesi Loc. sec. de naturâ & attributis divinis §. 81. seqq. Schlüsselburg, Theolog. Calvinian. lib. 3. artic. 7. pag. 123. seqq.

Forma.

Gloriosè
Monar-
chica.

§. 34. *Forma & regnandi ratio*, qualis in hoc regno sit, ex hæcenus explicatis non obscurè patet. Christum in omni regno, cum Patre & Spiritu Sancto Monarcham esse, atque omnia divinè præsenterq; gubernare, disput. de regno ejus in genere, §. 30. ostensum. Conf. etiam disput. de regno gratiæ, §. 36. Eadem regnandi ratio & hîc locum habet adedque *divinè & gloriosè est Monarchica*. Solus cum Patre & Spiritu Sancto Christus, ut in regno potentiæ & gratiæ, ita etiam in gloriæ regno regnat, nullum habens parem, minus superiorem. Sanè & electos, regni sui cives, hoc honoris titulo dignatur, ut *Reges* appellet, qui hoc nomine sibi gratulantur, Apoc. i. v. 16. *Fecit nos (Christus) Reges & sacerdotes, Deo & Patri suo cap. 5. v. 10. Fecisti nos Deo nostro Reges & Sacerdotes, & regnabimus super terram*, sed non cum nomine in æqualitatem majestatis aut regiæ dignitatis thronum evehit, ut, quâ ratione ipse, eadem & illi gloriosè regnent. Uti enim alio longè modo ipse sacerdos est, scil. oblatione sui ipsius in sacrificium pro peccatis totius mundi, & virtute istius sacrificii, assiduâ pro humano genere ad dextram Patris intercessione, alio illi, scil. oblatione hostiarum spiritualium, precum, laudis, gratiarum actionis, *corporum propriorum in promptum obsequium*. Rom. 12. vers. 1. Sic quoque alia prorsus ratione Rex ipse est, omnium scil. supremus, Rex immensæ majestatis, sapientiæ, potentiæ, à nullo superiori dependens, Rex Regum *αυτοβασιλεύς*, ut sic dicamus, qui alios facit Reges: illi verò Reges sunt certo respectu: Reges, quod ipsimet fatentur, facti Reges, non quod in gloriæ regnū, adedq; Angelos & electos alios Dominium habeant & usurpent, sed quod in Rege suo Christo, per & propter ipsum, de victis peccato, carne, Satana, mundo, morte, inferno, æternum triumphent, unde Reges quidem se factos ajunt, sed ita, ut Regi Jesu Christo, *omnem gloriam & imperium, in secula seculorum* tribuenda, & unicè relinquenda esse agnoscant. Apoc. i. vers. 6. ut omnes uno ore exclament: *Dignus est agnus qui occisus est, accipere honorem & gloriam, & virtutem & fortitudinem &c.* cap. 5. v. 11. & seqq. Conf. Anselmum epist. 2. ad Hugonem tom. 3. pag. 201. quâ hominum mentes ad contemptum seculi, & æterni regni desiderium incitat,

tat, ubi, piorum regnandi in cœlis felicitatem & perfectionem constituit in summâ voluntatum inter se & cum divina voluntate harmonia. Sic singuli inquit, erunt perfecti Reges, quia quod singuli volent, hoc erit, & omnes simul cum Deo unus Rex. (hæc cum grano salis accipienda) & unus quasi homo, quia omnes unum volent, & quod volent, erit &c.

§. 35. Quod verò Rex Christus, præsentissimè regnum gloriæ & hodiè administret, & in omnem æternitatem sit administraturus, ex scripturis sacris clarius est, quàm ut probatione indigere videatur. Cum enim regno omni divino modo, adeo præsentissimè præsit, cum in regno potentia, hodiè, cœ-
lum, terram, maria, & quæ his continentur omnia præsentissimè videat, moderetur, & pro iudiciis conservet. Conf. disp. de regno potentia, §. 28. & 29. cum in regno gratia itidem sit, ubique duo aut tres congregati sunt in nomine ipsius. Matth. 18. vers. 20. & quidem in medio ipsorum; sit cum fidelibus usq; ad consummationem seculi. Matth. 28. vers. 10. disput. de regno gratia, §. 36. Multò magis gloriæ regno ac ejusdem civibus, cum præsentissimè esse, credendum est, quâ de re Spiritus Sanctus aper-
tissimè juxta suavissimèque variis Scripturæ locis loquitur. Pulcherrima sunt verba, Apoc 21. vers. 2. & 3. Vidi sanctam civitatem Ierusalem &c. & audiui vocem magnam de throno: Ecce tabernaculum Dei cum hominibus, & habitabit cum eis, & ipsi populus eius erunt, & ipse Deus cum eis, erit eorum Deus. Est & in Ecclesiâ militante præsens fidelibus Rex Christus, cum Patre & Spiritu Sancto, ut modo dictum, multa exhibens beneficia, sed in futuro seculo, longè ampliora in beatos effundet, ubi eum coràm videbunt. Conf. Osandrum. Rectissimè Flacius in glossa sua ad loc. citat. Est positiva descriptio beatitudinis electorum, quod Deus nobiscum habitabit, eritq; noster Deus, & nos eius populus. Deus quidem jam quoq; nobiscum est, sed tum plenâ, manifestâ, ac, ut ita dicam, visibili & prorsus efficaci præsentia, nobiscum versabitur, &c. Non minus dulces sunt promissiones, quibus fidelibus spem facit Spiritus Sanctus, fore, ut post excessum ex hac vitâ, cum Christo sint futuri, Joh. 17. vers. 24. Philip. 1. vers. 23. 1. Thes. 4. vers. 17. Conf. August. tract. 111. super Johannem, ad verba

G

Christi

Christi, Joh. 17. vers. 24. *Pater quos dedisti mihi volo, ut ubi ego sum, & illi sint mecum &c.* ubi post multa. Non inquit, satis fuit (Christo) dicere. Volo, ut ubi ego sum, ibi & illi sint, sed addidit mecum. Esse enim cum illo, magnum bonum est; nam & miseri esse possunt ubi est ille, quoniam quicumq; ubicunq; fuerint, ibi & ille est: sed beati soli sunt cum illo, quia beati esse non poterunt, nisi ex illo, Conf. seqq. plura. Quod etiam referenda verba Apostoli inexhaustæ potentia, sapientia, bonitatis, jucunditatis, 1. Cor. 15. vers. 28. supra §. 30. adducta. Deus in regno gloria erit omnia in omnibus: Quæ præter alia nobis ineffabilia bona, omnino etiam suavissimam Christi præsentiam, pollicentur. Pulchre Cyprian. serm. de ascensu Domini circa finem. pag. 484. *Ibi sancti in gloria videbunt Deum, non gustabunt tantum, quam suavis sit Dominus, sed implebuntur & satiabuntur, dulcedine mirifica, nihil illis deerit, nihil oberit, omne desiderium eorum Christus præsens implebit &c.* Et mox: Erit denique Deus omnia in omnibus, & eius præsentia, omnes anima & corporis implebit appetitus, &c.

Finis.

§. 36. Finis, (cum quo & effecta conjugimus) huius regni, ex parte Dei, rursus est eiusdem gloria, quæ licet etiam in regno potentia suo modo, & videatur, & audiat, cæli enim enarrant gloriam Dei. Psal. 19. vers. 1. & amplius in regno gratia ex admirandis operibus, stupendæ sapientia, potentia, misericordiae divinae testibus, à pijs agnoscatur, omnium tamen maximè, in regno gloriae manifestatur, ubi demum & angelis & hominibus, ipsi quoque Satanæ in conspectum ponit gloriam omnipotentia, quâ, quod ab æterno decrevit, contra omnium hostium conatus & furores, exequatur, præcipuè in electis suis, per varia pericula, tentationes & insultus, ad salutem provehendis. Ponit gloriam sapientia, quâ, præter omnium & Angelorum & hominum, ac rursus ipsius Satanæ opinionem & expectationem, ratione incomprehensibili præstat, quod constituit. Ponit gloriam misericordiae & bonitatis, quâ fideles immerentes, quos in gratiam, dum hic vixerunt, recepit, etiam cælesti gloria ornatur. Ex parte Christi *Θεοῦ υἱοῦ*, ipsius honor est. Uti enim Christus in carnem venit, servili formâ sumptâ, ut in eâ ministraret,

& dicitur.

& daret animam suam redemptionem pro multis, Matth. 20. vers. 28. Sic gloria ipsi regnum paratum, in quod exaltatus est, ut dominaretur, ipseque flexis genibus servirent cœlestia, terrestria, & inferna, & omnis lingua confiteretur, quia ipse est Dominus in gloriam Dei Patris, Philipp. 2. vers. 10. & 11. Ex parte sanctorum Angelorum, incrementum gaudij cœlestis. Sincerus & fervens est Angelorum in homines amor, qui, cum sciant omnium hominum salutem Deum velle, eandem & ipsi in votis habent, unde novum gaudium toties concipiunt, quoties aliquis peccatorum convertitur. Luc. 15. vers. 7. Quod si ita est, longè magis ipsos gaudere credendum est, quando, qui in conversione inter seculi pericula perseverarunt, è regno gratiæ, in regnum gloriæ transferuntur, unde etiam læti manibus suis atque ulnis eorundem animas suscipiunt, atq; in sinum Abrahe deportant. Luc. 16. vers. 22. Omnium verò, quod hinc sequitur, amplissimum gaudium percepturi sunt, cum universum electorum cœtum, sub finem mundi, à Christo Rege ex omnibus mundi plagis congregatum, magno triumpho in cœlestia domicilia introduci videbunt, quem omnino cum latissimis congratulationibus, in commercium suum ad æternam cohabitationem sunt accepturi. Ex parte electorum hominum, actualis & realis perceptio omnium bonorum cœlestium, in regno gratiæ promissorum. Sumus, quotquot in Christum credimus, regenerati in spem vivam, in hereditatem incorruptibilem, & incontaminatam, & immarcescibilem, quæ nobis promissa, 1. Petr. 1. vers. 3. & 4. Sed ea asservatur in cœlis, ibid. nec prius quam è gratiâ in gloriam abeamus, confertur. In domo Patris nostri sunt multe mansiones, à Christo nobis parata, Joh. 14. vers. 2. Sed prius quam ille gloriosè veniat, & accipiat nos ad seipsum, occupare eas non possumus, ibid. Salvi jam facti sumus, sed spe, Rom. 8. vers. 24. cuius spei impletionem, per patientiam in futura vita expectamus, cit. cap. vers. 25. Nominamur jam & sumus Filij Dei, 1. Joh. 3. vers. 1. & 2. Sed in regno gratiæ, dignitas ea, cruce & calamitatibus involuta est, ut nondum appareat: scimus autem, quoniam cum apparuerit, in nostri ex regno gratiæ in regnum gloriæ, juxta divinas promissiones, translatione, similes Deo eri-

mus, quia videbimus cum sicuti est, ibid. Ex parte impiorum damnatorum, adedq; ipsius etiam Satana, extremus horror & confusio: Quantam enim cœlesti gloria, quâ fulgebunt electi, lætitiâ haurient, tanto horrore & ignominia ex ejusdē conspectu damnati afficientur. De quo graphicè, Sap. 5. vers. 1. seqq. *justi gloriose stabunt ἐν πονηρῇ παρρησίᾳ, contra faciem eorum, qui ipsos angustiauerunt. Hi autem videntes ipsos, turbabuntur, timore horribili, & stupebunt in insperata eorum salute, præ angustia gementes &c.* Vide de hoc argumento, prolixè ac magno affectu agentem post alios, Ephræm Syrum, tractat. de variis tormentis inferni. pag. 891. seqq. Eundem, & fortè majorem horrorem & confusionem, sentient *Diaboli*, impiorum seductores, quibus, uti singulariter *infernus paratus est*, Matth. 25. vers. 41. Sic quoque quicquid infernalium pœnarum, quarum quidem capaces sunt, nomine intelligitur, quò etiam horror & ignomina, ex electorum gloria pertinet. Conf. Gerh. de Extr. Jud. cap. 4. §. 45.

Tempus.

§. 37. De tempore huius regni cum quaeritur, quando cæperit, & quamdiu duraturum sit, distinctè respondendum est. Est regnandi majestas, quam in divinis cum æterno Patre & Spiritu Sancto, Christus communem habet, æterna, & hinc initio caret. Cæpit autem Christus juxta divinitatem, cum Patre & Spiritu Sancto, actu gloriose regnare, ex quo cives gloriosos habuit, atque ipsos fecit, id est, ex quo Angelos in sanctitate & iustitia concreata constanter perseverantes, ex gratia in bono, ne unquam eo exciderent, confirmavit, adedque ex viatoribus contemplatores, qui faciem Patris cœlestis semper vident, fecit: in quorum postea societatem, animarum sanctorum & fidelium, quæ à mundi origine, corporibus suis egressæ sunt, ad augendum gloriosorum civium numerum, & regni felicia incrementa, sunt susceptæ. Juxta utramque, atque ita etiam humanam naturam, quando actu, gloriose regnare cæperit, ex clarissimis Scripturæ testimoniis habemus. Ipse de seipso, Luc. 24. vers. 26. ait: *Hæc oportuit Christum pati, & ita intrare in gloriam suam*; ubi, sicuti voce gloria, omnis regni actualem & continuam administrationem, quâ in statu exinanitionis liberè, nostro commodo, abstinuit, intelligit: ita vel in primis ad regnum

gnum gloriæ respicit, cujus moderationem se jam, superatis passionibus, aggredi, inquit. Ergo Rex quidem gloriæ, etiam ut homo, statim à prima conceptione fuit, omnis gloriæ possessor, sed actu gloriôsè non regnavit, quod demum factum, quo tempore passionibus finis fuit impositus, id est, cum animam, quam posuerat, resumpsit, & ex mortuis rediit, quo pertinet victoriosus & gloriosus ad inferos descensus, victoriosa & gloriosa in corpore & animâ, undique ex momento vivificationis, gloriosis, resurrectio, ut, licet ex libera *οικονομία* se quadraginta dierum spacio, per intervalla, videndum contrectandumque exhibuerit, comederit & biberit, ambulârit, &c. nequaquam tamen *σῶμα ψυχικόν* sed *πνευματικόν* habuerit; Victoriosa & gloriosa in cœlos ascensio, quâ è terris visibiliter subvectus, & tandem à nube è conspectu videntium ablatu est; Et, qua propriè completèque in gloriam ingressus dicitur, ad æterni Patris dextram sessio, quæ ubi capit, Christus demum omni gloriâ cœlesti, & ipse quâ corpus, quâ animam, coronatus est, & regni sui gloriosi, deinceps in omnem æternitatem administrandi, initium fecit. Quò referenda omnia Scripturæ testimonia, quæ hanc hanc majestaticam & gloriosam sessionem describunt. Ps. 2. v. 6. & seqq. & 110. v. 1. & 7. Marc. 16. vers. 19. 1. Corinth. 15. vers. 26. Eph. 1. vers. 20. seqq. cap. 4. vers. 8. Heb. 2. vers. 6. seqq. cap. 12. v. 2. 1. Pet. 3. v. 22.

§. 38. Caterum, licet certo modo ex horâ suâ ad dextram Patris exaltationis gloriosè Christus regnet, atque ipse in gloria, gloriosos regni cives & incolas habeat, nondum tamen omnes ab æterno prævisos, prædestinatos, electos habet, quorum adhuc fortè multi nondum nati, multi adhuc in regno gratiæ peregrinantur, & quos ex hominibus habet, pauci sunt, qui jam corpore & animâ sint glorificati. Henoch sc. Moses, & Elias, atque illi, qui Christo resurgente, & ipsi resuscitati atque unâ cum ipso in cælum assumpti creduntur: reliquorum tantum animæ, gloria fruuntur, non sine desiderio instaurandæ conjunctionis cum corporibus suis. Ergo regno gloriæ ad ultimam perfectionem adhuc deest, congregatio totius electorum catus, quam necesse est, ut præcedat mortuorum resurrectio, quâ, qui

G 3

in pul-

in pulvere terræ jam dormiunt, prodeant, sistantur ad Christi Regis & iudicis dextram, & lata sententia, in vitam æternam, & gloriosas cœli sedes, introducantur. Quod eum die, (qui humano calculo definiri nequit, licet plurimi sapius id facere sint conati) omnium piorum votis ardentè exoptato, regnum gloriæ per omnes partes, plenè, & instituetur, & manifestabitur; morte, hostium novissimo, prorsus, ne electos amplius infestet, abolito. Satana, ejusque toto regno sub electorum pedibus per omnia contrito, corporibus rursus vivificatis, iisdemque, post iteratam cum animabus copulationem, & admirandam eorum ad similitudinem corporis Christi μετασχηματισμόν, in plenam possessionem hæreditatis τῆς ἀφθάτου, ἡ ἀμάρτης, quæ nobis in cœlo reposita est, translatis. Philip. 3. vers. 20. & seqq. Colos. 3. vers. 4. 1. Pet. 1. vers. 4. *ubi electi finem invenient desideriorum suorum, Deum, qui sine fine videbitur.* (Sunt verba Augustini, quibus incomparabile opus viginti duorum librorum de Civitate Dei devotissimè claudit.) *sine fastidio amabitur, sine defatigatione laudabitur, ubi non solum spiritu, sed etiam corporibus beati, vacabimus & videbimus, videbimus & amabimus, amabimus & laudabimus; hoc erit in fine sine fine, nullus alius noster finis, nisi pervenire ad regnum, cuius nullus est finis.*

Locus,

§. 39. *Locus* (vocabulo latius sumpto) *regni gloria*, ubi sc. Rex Christus, cum æterno Patre & Spiritu Sancto gloriam suam electis plenè manifestabit, ita ut ille cum istis, & hi cum illo, æternum in gloria & beatitudine habitent, ille se, de facie ad faciem hisce contemplandum videndumque præbeat, hi illum, sine fine intueantur, atque ita inde incredibili lætitia impleantur, qui & qualis sit, non definimus, cujus rei neque nobis à Deo, qui eundem per omnia non revelavit, potestas facta est. Intolerabilis audaciæ est, confidenter scribere, *locum illum esse corporeum & circumscriptum spatium, supra firmamentum localiter situm, sive lucidissimum & amplissimum domicilium, aspectabiles cœlos proximè ambiens, in quo sint locales mansiones, & distincta habitacula, alia alijs superiora, in quibus Rex gloria Christus, cum electis gloriæ civibus, corporali modo stet, sedeat, ambulet, prout ipsi placeat. Quæ Calvinianorum, Scholasticorum Pontificiorum vestigia sequen-*

quentium, puerilis est sententia. Conf. Martyr. dialog. de pan-
tach. Ursinum in compend. doctrinae Christianae, pag. 345.
Sohn. disp. de creat. tom. I. pag. 114. Martin. incis. pag. 36. Non
nescimus, locum regni gloriae, domum Patris, Paradisum, sinum
Abrahae, regionem viventium, aeterna tabernacula, templum & ta-
bernaculum Dei, domicilia non manu facta, aeternum in caelis domici-
lium, quod è caelo est, montem Domini, civitatem sanctam, Ierusalem,
fundamenta sua habentem, Patriam, in sacris literis dici: At sen-
timus, gravibus adducti rationibus, quod, quemadmodum
Spiritus Sanctus, vocabulis è communi vita desumptis, & res
corporales propriè significantibus, spiritualia in regno gratiae
beneficia creberrimè describit, sic etiam iisdem gloriosae vitae fu-
turae statum, aliquo modo adumbret, nec velit, ut verbis rebus-
que corporalibus, conceptu nostro inhareamus, sed ipsi, nobis
condescendenti, coascendamus, atque omnia, quae ex natura & re-
bus terrenis petita sunt, ἡ ἀποκρίσις, ἡ ἐκφανσις τοῦ πνεύματος intelligamus.
Unde, sicuti certis Scripturae locis, vocabula à rebus huius secu-
li sumpta, ad gloriae regnum adhibet, ita alibi expressè eadem re-
movet, id quod vel ex verbis Christi, à nobis supra explicatis, &
cum Rom. 14. vers. 17. collatis, clarum est. Dicit Christus ad
discipulos: *Dispono vobis regnum, ut edatis & bibatis.* At Aposto-
lus loc. cit. è contrario, *non est cibus, inquit, aut potus regnum Dei,*
non ut Christo contradicat, sed ut verba Christi à corporali sen-
su repurget, ac mentes ad caelestia, quae omnem naturae huius
rationem superant, evehat, licet ea in his terris comprehendere
animus humanus non possit. Nam, *quis est idoneus, inquit Au-
gust. tract. III. super Johann. loca ista, vel quae sunt in locis istis suis
spaciosis capacitatibus, & sine corporeis molibus cogitare?* Et in ex-
plicat. verbor. Christi, *Volo ut ubi ego sum, & illi sint mecum:*
*Abscedat ab animo, omnis imaginum corporalium cogitatio: quicquid
menti occurrerit, longum, latum, crassum, qualibet luce corporea colo-
ratum, per qualibet locorum spacia sive finita, sive infinita diffusum.*
*Ab his omnibus, quantum potest aciem suae contemplationis vel inten-
tionis avertat.* Conf. D. Gerhard. de V. Aetern. §. 170. & seqq.
Non interim negamus, quod beatae regni gloriae sedes sint alicu-
bi, & quidem revera à damnatorum squalidissimo carcere di-
stinctae,

stinctæ, ita ut inter illas & hunc, magnum χάσμα sit firmatum.
 Luc. 16. vers. 26. Ac prorsus alieni sumus ab illorum opinione,
 qui statuunt, regnum gloriae esse ubiq; atq; omnibus locis ubi p̃j ho-
 mines morantur. Alieni imprimis, à deliriis Valentini Weigelij
 qui tractat, Germanic. Vom Orth der Welt / cap. 14. cujus titu-
 lus: Wie es sey vor der Welt schöpfung / in der Welt / vnd nach
 zerbrechung der Welt / vnd wo jezo das Paradiß oder Christus zu-
 finden seye / auch was Himmel vnd Höll seyn / vnd wo vnser Vat-
 terland seye / scribit. Es wird seyn nach zerbrechung der Welt /
 eine ewige Welt / ohne ende / darinn werden seyn / die Seeligen vnd
 Verdampften / die Engel vnd Teuffel / wie auff ein Platz beyeinan-
 der / oder auff einen Sahl seyn möchten / fröliche vñ trawrige / dan-
 kende vnd weinende / hungrige vnd satte / schöne vnd grewliche /
 gesunde vnd francke / blinde vnd sehende / starcke vnd schwache &c.
 Conf. cap. seqq. ubi id genus plura fanaticus dictator promit.
 Improbamus talia, & quocunque nos Spiritus Sanctus digito
 suo ducit, sequimur, firmiter credentes. gloria locū in quo cum
 Christo electi regnabunt, certò paratum, & ab infernali carce-
 re, separatum esse, interim ad piæ antiquitatis Exempla & mo-
 nita, secreta illa non curiosè, extra, ultra, citra sacras literas dis-
 cutimus, ex conspectu removentes, quicquid rationis conce-
 ptus ex se subministrat, donec ad ipsius Dei conspectum ad-
 missi, omnia coram videamus, & gaudij loco æternum frua-
 mur.

§. 40. *Cognata* Inter cognata hujus regni Christi, numeramus infi-
 gnes ejus, ut exinaniti, ita exaltati, typos. Iosephum, qui ut Moyses
 Gen. 41. vers. 14. & seqq. commemorat, è carcere eductus, factus
 est à Rege Pharaone secundus, Regio palatio, & omnibus regni nego-
 tiis præfectus, ut universus Egypti populus, eius mandata, cum venera-
 tione humili exciperet: accipit in signum plenissima potestatis, annu-
 lum, vestitus stolâ byssinâ, & torque aurea, curru Regis vectus est, ex-
 clamatum à præcone ut omnes coram eo genua flecterent &c. Quæ
 omnia Christum gloriae Regem suo tempore exaltandum, veluti
 in theatrum duxerunt, completa ipso opere, quando æternus
 Pater, eundem post humiliationem usq; ad mortem crucis, exalta-
 vit, & nomen ipsi dedit super omne nomen, ut in nomine eius flecta-
 tur

per omne genus, cœlestium, terrestrium, & inferorum &c. Philip. 2. v. 9. 10. Quanquam in eo amplior Christi quàm Josephi gloria, quod non à Deo majestate secundus, sed ipse Dominus factus est, Act. 2. 36. in ipso majestatis divina, non aliquo inferiori throno collocatus. Hebr. 12. vers. 2. Davidem, qui & ipse, post plurimum annorum pericula, exilia, varias calamitates, sublato Saule, ad Regni administrationem, ad quam jam pridem unctus fuerat, applaudentibus magno numero, ex omnibus tribubus Israeliticis, erectus est, & gloriosè regnavit; consecutus à Deo nomen grande, juxta nomen magnorum, qui sunt in terrâ. 2. Sam. 7. vers. 9: Quo modo eundem Christum, Dei & suum Filium, ejusque regnum adumbrasse, ex collatione, quam quivis facillè instituere potest, manifestum est. Addi potest gloriosa μεταμόρφωσις Christi, in monte Thabor, de quâ supra §. 25. ubi subitò τὸ ἰδὲν & τὸ προσώπου αὐτοῦ ὡς ἑλίου ἐλαμπέρον, facies splenduit sicut sol. Luc. 9. vers. 29. Matth. 17. v. 1. Vestimenta facta sunt candida nimis, sicut nix, &c. Vocati è cœli sedibus in colloquium Moses & Elias, ipsi quoque ἱεὶ δόξης apparentes, quæ omnia gloriosi regni Christi quandam ἀπαρχὴν præbuerunt.

§. 41. Oppugnatores sunt hujus regni Christi atq; hostes, Pugnatiæ. quotquot id ipsum vel prorsus negant, vel quovis modo, sanam de eo doctrinam corrumpunt. Illud à Judæis olim, statim postquam Christus in gloriam ingressus est, factum: Unde Apostolos, de eo ex mortuis resuscitato, sublato in cœlum, ad dextram Patris gloriosè sedente, publicè verba facientes, & ad fidem in ipsum, populum exhortantes, objurgarunt, in vincula conjecerunt, flagellarunt. Act. 4. vers. 1. seqq. cap. 5. vers. 26. seqq. idque unicè egerunt, ut quæcunque ab Apostolis de Christo exaltato Rege dicerentur, eorum fabulas, & figmenta esse, quibus nihil veritatis subesset, populo persuaderent. Hoc hodieque faciunt Phoriniani, Christi gloriosi Regis proximi à Judæis hostes, qui tamen si splendide, integrè libris, de exaltatione & majestate, Bon der Göttlichen Hoheit Jesu Christi, loquantur, ipso tamen opere, blasphemi ejus, quantum in se, sunt oppressores: eò, quod non naturâ, sed nomine tantum atque officio, adeoque Deum factum, esse Christum, pertinaciter tradunt; quin & regnum


H

gnum

gnum ejus restringunt, ac æternum quidem Patrem, in omnia absolute, non autem etiam Christum, imperium exercere ajunt. Faciunt Pontificij, qui inter alia, quæ Christo Regi ejusque gloriæ propria sunt, Pontifici Romano adscribunt, nominatim verba, Pl. 8. vers. 7. & 8. *Omnia subjecisti sub pedibus ejus, oves & boves universos, insuper & pecora campi.* Conf. Recusationem Concil. Trid. pag. 270. & 310. Faciunt Calviniani, qui hypothesebus suis, de duplici throno, &c. ex negatione infinitæ majestatis, Christo juxta humanam naturam communicatæ, ejus gloriam, non uno modo violent. Faciunt Chiliaste, in varias sectas dissecti, quorum dogma est: *Christum ante diem novissimum, è cælo in terram rediturum, pios defunctos resuscitaturum, ac cum illis, ut etiam ijs, quos vivos inveniet, oppressis omnibus impijs, vitam corporalibus deliciis abundantem, per mille annos in hac vita exacturum, inchoato terreno corporali & visibili regno, & finitis demum mille annis, consummationem seculi, & universalem omnium resurrectionem, esse secuturam:* Vide D. Gerhard. de consummat. seculi, §. 67. & seqq. Quod etiam referendi, qui circa tempus manifestationis & inchoationis perfectæ gloriæ regni, curiositati suæ nimium indulgent, & certum seculum, lustrum, annum, mensem, diem, horam, definire audent, contra expressam Christi prohibitionem. Act. 1. vers. 7. *Non est vestrum, nosse tempora & momenta quæ Pater posuit in sua potestate.* Referendi etiam huc omnes, qui securitati & voluptatibus carnalibus dediti, inimici sunt uti crucis, sic & gloriæ Christi, Philip. 3. vers. 18. *ridentes, quicquid de glorioso Christi adventu audiunt & dicentes, ubi est promissio & adventus ejus?* 2. Pet. 3. v. 6.

§. 42. Definitionem officii Regii gloriosi, ex superioribus damus talem: *Officium Christi Regium, in regno gloriæ, functio est, quæ Christus θεαυδων, qui juxta divinam naturam æqualis cum æterno Patre & Spiritu Sancto, æternæque majestatis & gloriæ, cum iisdem à mundi Origine gloriôsè regnavit, in temporis plenitudine, etiam juxta humanam naturam ex æterno SS. Trinitatis consilio, formâ servili, in quâ usq; ad mortem crucis, sese humiliarat, depositâ, in gloriam ingressus est, & jam iuxta utramque naturam, in cælestis domicilij sedibus, cum Angelis, cum beatis hominum electorum animabus, nec non ijs, quos tùm ante sui incarnationem assumpsit, tùm post resurrectionem*

nem suam à mortuis, excitatos, in ascensione ad cælos, secum deduxit, visibiliter adest, eosq; immediate, cælesti lætitiâ, gaudio, alijsq; bonis, nobis ineffabilibus, implet, venturus, constituto die, sedens super thronum gloriae suo ac omnes electos, corporibus ipsorum, quæ dormiunt, cum animabus suis copulatis, & ad similitudinem corporis sui clarificati conformatus, in gloriosas æternæ vitæ mansiones, inter triumphos & júbila introducturus, ut sine fine cum Patre & Spiritu Sancto, iisdem sese de facie ad faciem videndum præbeat, eosq; omni beatitudine in regno gratiæ promissâ, æternum cumulet & coronet.



E X I M I O

Dn. M. RESPONDENTI!

POst linguas Orientis, acumina docta sophiæ,
 Et apparatus plurimæ scientiæ,
 Instructus, FRIDERICE scholas intrare sacratas
 Ausus, citato promoves vestigio.
 Præsidii illis accessit lumen avitum;
 Exempla subdunt calcar & domestica.
 Principibus cum laude Viris, FRIDERICE, placebis:
 Sic gloriæ defenditur regnum benè!

scrib. amoris mnemosynon

Joh. Georg Dorscheus, D.

Eidem




Eidem Præcellenti Dn. Respond, Amico
dilectissimo.


Inclita si domus est, quam clara ab hoste trophæa,
 Servati regni, quam decor alta canunt.
Nobilior quantò domus est, quam laurea sacra,
 De Christi claram tartareo hoste facit.
HEILBRVNNERE, Tuilaris hac est gloria! quam Tu
 SPES GENEROS Acanes, condecorabis, ales.


F.

Joh. Conradus Dannhauer/
SS. Theol. D. Prof. & Ecclesiastes

F I N I S.







005647-234

005647-233
005647-234

